

六
典
通
考

六典通考卷二十三

湖西閣鎮珩輯

爵命考

衣服之等

小宗伯掌五禮之禁令與其用等

用等尊卑之牲器

辨吉凶之五服

五服及公卿大夫士之服

掌衣服之賞賜

王以賞賜有功者

家宗人掌家禮與

其衣服之禁令

司服公之服自衮冕而下如王之服侯伯

之服自鷩冕而下如公之服子男之服自毳冕而下如侯伯

之服孤之服自希冕而下如子男之服卿大夫之服自元冕

而下如孤之服其凶服加以大功小功士之服自皮弁而下

如大夫之服其凶服亦如之其齊服有元端素端

自公之衮冕至卿大

夫之元冕皆其朝聘天子及助祭之服諸侯非二王後其餘皆元冕而祭於己元冠自祭其廟者其服朝服元端諸侯之自相朝聘皆皮弁服喪服天子諸侯齊斬而已卿大夫加以大功小功士亦如之又加總焉士齊有素端者亦為札荒有所禱請變素服言素端者明異制端者取其正也士之衣袂皆二尺二寸而屬幅是廣袤等也其袪尺二寸大夫已上之侈之者蓋半而益一焉半而益一則其袂三尺三寸袪尺八寸 弁師諸侯之纁旂九就璫

玉三采其餘如王之事纁旂皆就玉璫玉笄

侯當為公字之誤也三采朱白

蒼也其餘謂延紐皆元覆朱裏與王同也出此則異纁旂皆就皆三采也每纁九成則九旂也公之冕用玉百六十二玉璫塞耳者故書璫作璫鄭司農云纁當為璫 諸侯及孤卿大纁古字也璫今字也同物同音璫惡玉名

夫之冕率弁皮弁各以其等為之而掌其禁令

各以其等纁旂玉璫如其

命數也冕則侯伯纁七就用玉九十八子男纁五就用玉五

十纁玉皆三采孤纁四就用玉三十三三命之卿纁三就用

玉十八再命之大夫纁再就用玉八纁皆朱絲韋弁皮弁則

侯伯璫飾七子男璫飾五玉亦三采孤則璫飾四三命之卿

璫飾三再命之大夫璫飾二玉亦二采一命之大夫冕而無

旂士變冕為爵弁其韋弁皮弁之會無結飾弁絰之弁不辟

積禁令者不得相潛踰也玉藻曰君未命不敢即乘服不言冠弁冠弁兼於車弁皮弁矣不言服弁服弁自天子以下

無等無飾大行人上公冕服九章侯伯冕服七章子男冕服五

章冕服者冕所服之衣也九章者自宗彝以下也玉藻諸侯

元端以祭祭先君也端亦當裨冕以朝朝天子也裨冕公衮

皮弁以聽朔於大廟朝服以日視朝於內朝冠元端素裳也退適路

寢聽政大夫退然後適小寢釋服元端又朝服以食王

制三公一命卷若有加則賜也不過九命卷俗讀也其通則

復加一命則服龍大夫冕而祭於公弁而祭於己士弁而

祭於公冠而祭於己爵弁而祭於己唯孤爾士弁而親迎

然則士弁而祭於己可也攝盛服爾非常也玉藻朝元端

夕深衣士也士冠禮皮弁笄爵弁笄緇組紃纁邊笄今

夕深衣士也士冠禮皮弁笄爵弁笄緇組紃纁邊笄今

有笄者屈組為紘垂為飾無笄者纓而結其條纁邊組側赤也爵弁者制如冕黑色但無纁耳士之皮弁無玉象邸飾

衛風淇澳有匪君子充耳琇瑩會弁如星充耳瑱也琇瑩美石也天子玉

瑱諸侯以石會纁也弁皮弁也齊風著充耳以素乎而尚之以瓊華乎而

充耳以纁瑱所謂統也尚加也充耳以青乎而尚之以瓊

瑩乎而瓊瑩美石似玉者即所以為瑱也充耳以黃乎而尚之以瓊英乎而瓊英亦美石似玉者

者玉

右冕服弁服 禮書詩大車毳衣如葵子男入為大夫者毳衣之屬衣纁而

裳纁皆有五色 唐風豈曰無衣七兮豈曰無衣六兮侯伯其青者如雞

七章天子之卿六命鄭氏曰七章禮器曰禮有以文為貴之服晉舊有之變七言六者謙也

者天子龍袞諸侯黼大夫黻士元衣纁裳天子之冕朱綠

藻十有二旂諸侯九上大夫七下大夫五士三朱綠似禮夏商禮禮

有順而討也

若天子十二公九侯伯七子男五

有放而文

若天子服日月以至黜

放而不致

若諸侯自書大傳曰諸侯作績宗彝藻火山龍

大夫藻火山龍士山龍典命上公衣服以九爲節衮冕而

下是也侯伯衣服以七爲節鷩冕而下是也王之三公八

命出封加一等故三公一命衮而衣服以九爲節其未出

封與侯伯同七章之服卿六命與子男同五章之服公之

孤四命而服希冕三章大國之卿三命大夫再命服元冕

一章王之公卿大夫其衣服各降命數一等詩言周大夫

服毳衣則上大夫卿也雜記曰大夫冕而祭於公則希冕

元冕也然則上公自衮冕而下服五侯伯自鷩冕而下服

四子男自毳冕而下服三孤自希冕而下服二賈公彥曰

六與通考卷二十三

諸公纁玉同文惟一冕以冠五服其說是也祭統君純冕
立於阼鄭氏謂諸侯祭宗廟惟魯及二王後袞冕餘皆元
冕考雜記大夫致隆於公不敢與己同其服則諸侯以鷩
毳希冕祭於王端冕祭於己宜矣玉藻元端以祭元端無
章則三旒之冕可知鄭氏易端爲冕過矣觀禮侯氏裨冕
曾子問曰太祝裨冕執束帛又曰大宰大宗大祝皆裨冕
荀卿曰大夫裨冕鄭康成釋觀禮曰裨之言埤也釋玉藻
曰裨冕公衮侯伯鷩子男毳是也鄭司農釋周禮特以鷩
爲裨衣拘矣聘禮賓皮弁聘服皮弁者朝聘主相尊敬也公側受宰
玉褻降立論語曰素衣麤裘皮弁時或素衣其裘同可知也君使卿韋弁歸饗餼
五牢韋弁韋之弁皮韋同類取相近耳蓋韋布以爲衣而素裳君使卿皮弁還玉於

館

玉圭也

覲禮至於郊王使人皮弁用璧勞侯氏亦皮弁迎

於帷門之外士喪禮陳襲事於房中爵弁服純衣皮弁服

詩淇澳曰會弁如星

會謂弁之縫中飾之以玉

鵠鳩其弁伊騏

騏當作騏以玉

爲

頰弁有頰者弁實維伊何

禮天子諸侯朝服以宴

賓之初筵側弁

之俄屢舞傴僂禮記檀弓周人弁而葬商人舁而葬曾子

問諸侯相見皮弁小記諸侯弔必皮弁錫衰學記大學始

敘皮弁祭菜孔子曰尸弁冕而出祭義君皮弁素積書曰

四人綦弁執戈上刃夾兩階

綦文鹿子皮弁亦士

後漢輿服志委

貌冠皮弁冠同制前高廣後卑銳所謂夏之毋追商之章

甫者也委貌以皐絹爲之皮弁以鹿皮爲之

玉藻緇布冠纁綬諸侯之冠也

諸侯緇布冠有綬尊者飾也

元冠丹組纓

諸侯之齊冠也元冠綦組纓士之齊冠也

四命以上齊祭異冠縞冠元

武子姓之冠也

謂父有喪服子為之不純吉也武冠卷也古者冠卷殊

縞冠素紕既祥

之冠也

紕緣邊也間傳曰大祥素縞麻衣

垂綏五寸情游之士也

情游罷民也垂長綏

明非

元冠縞武不齒之服也

所放不帥教者居冠屬武

著冠於武少威儀自

天子下達有事然後綏

燕無事者去飾

大帛不綏

大帛謂白布冠也凶服去飾

始冠緇布冠自諸侯下達冠而敝之可也

雜記大白冠緇

布之冠皆不蕤委武元縞而后蕤

不蕤質無飾也大白冠大古之布冠也委武冠卷也

秦人曰委齊人曰武元元冠也縞縞冠也

始冠之緇布之冠也大古冠布齊則

緇之其綏也孔子曰吾未之聞也

大古無飾非時人綏也布冠今喪冠也齊則緇之者

鬼神尚幽闇也

冠而敝之可也

三代改制齊冠不復用也

士冠禮緇布冠缺項

青組纓屬於缺緇纓廣終幅長六尺

缺讀如有頰者弁之頰緇布冠無弁者著頰圍

其際結項中鬲房四綬以固冠也項中有綬亦由因類爲之
耳今未冠筭音音卷類類象之所生也滕薛名國爲類屬猶
著纓今之纓梁也經充也纓一副長六尺足以
綬髮而結之矣纓布冠今小吏冠其遺象也
人士臺笠綈撮臺大夫須也綈撮綈布冠也
其制小僅可撮其髻也

小雅彼都

右冠制 禮書檀弓曰古之冠也縮縫今也衡縫故喪冠

之反吉非古也雜記曰三年之練冠亦條屬右縫吉冠不

通屈一條繩若布爲武垂下爲纓屬之冠吉冠則纓武異材右縫者右辟而縫之小功以下左

象吉輕也蓋一幅之材順經爲辟積則少而質順緯爲辟積則

多而文順經爲縮縫順緯爲衡縫古者吉凶之冠皆縮縫

今吉冠衡縫而喪冠縮縫故記者譏之右爲陰左爲陽凶

陰事也大功以上右辟而縫之以明凶也吉陽禮也小功

以下左辟而縫之以趨吉也其飾有緣貫有笄束有武係

有纓垂有綏記曰素冠徹緣又曰縞冠素紕則冠有緣矣

國語曰范文子擊其子折委笄則冠有笄矣居冠屬武則

非居冠不屬矣喪冠不綏則吉冠皆綏矣 緇布冠詩以

弁之貌鄭氏讀缺項爲類無所經見緇布冠謂之緇操無梁 武古者施冠於首加武

以約之喪大記弔者襲裘加武是也紐垂於冕之兩旁其

長及武笄以貫之 綏詩曰葛屨五兩冠綏雙止檀弓曰

范則冠而蟬有綏綏謂螭喙長在腹下 紕天子冕而朱

紕諸侯冕而青紕士冠禮緇布冠青組纓皮弁笄爵弁笄

緇組紕纁邊卿大夫冕弁之紕無所經見鄭氏謂大夫士

當緇組紕纁邊理或然也一組繫於左笄遠頤而上屬於

右笄垂餘以爲飾謂之紕二組屬於笄順頤而下結之謂

之纓纓之垂條謂之綏

玉藻深衣三祛

三祛者謂要中之數也祛尺二寸縫齊倍要

縫紵也紵下齊倍要

王當旁殺而下或殺而上是以小要時

中齊丈四尺四寸

袂可以同肘二尺二寸長中繼

名焉祛屬衣則垂而放之屬裳

袂可以同肘二尺二寸長中繼

則縫之

以合前後上下則變袂可以同肘二尺二寸長中繼

揜尺

其為長衣中衣則繼袂揜一袂二寸也曲領祛尺三寸口

也緣廣寸半也

古者深衣蓋有制度以應規矩繩權衡

短毋見膚

衣取長毋被土辱為汗續袷鉤邊旁者也屬連之袂

殊裳前後也鉤

要縫半下一三分要中減袷之高下可以運肘

邊若今曲裾也

袷之長短反詘之及肘袂屬幅於衣詘而至肘當

掖之縫也

袷之長短反詘之及肘袂屬幅於衣詘而至肘當

以前尺二寸帶下毋厭髀上毋厭脅當無骨者

當骨緩急制

十有二幅以應十有二月袂圓以應規

謂胡曲袷如短以應

方

衿交領也古者方領如今小兒衣領

負繩及踝以應直

繩謂袷與後幅相當之縫也踝跟也

齊如權衡以應平

齊緝

故規者行舉手以爲容負繩抱方者以

直其政方其義也故易曰坤六二之動直以方也下齊如權

衡者以安志而平心也五法已施故聖人服之故規矩取其

無私繩取其直權衡取其平故先王貴之故可以爲文可以

爲武可以損相可以治軍旅完且弗費善衣之次也

完且弗費言可

苦衣而易有也深衣者用十五升布銀濯灰治繩之以采善

衣朝祭之服也自士以上深衣爲之次庶人吉服深衣而已

具父母大父母衣純以纁具父母衣純以青如孤子衣純以

素纁畫也純袂緣純邊廣各寸半純謂緣之也緣袂謂其口也

緣邊衣裳之側廣各

寸半則表裏共三寸矣惟衿廣二寸

玉藻以帛裏布非禮也

中外宜相稱也

冕服絲衣也中

衣用素皮弁服朝服元

端麻衣也中衣用布

詩唐風素衣朱襮從子于沃

襮領也

侯之服繡繡領而丹朱純也素衣朱繡從子于鵠朱繡卽朱繡也

右深衣長衣中衣 禮書漢江充傳充衣紗縠禪衣曲裾

後垂交輸交輸制正幅使一頭狹若燕尾垂之後是禮深衣繡衽鉤邊廣川惠王

傳姬榮受爲廣川王去刺方領繡晉灼曰今之婦人直領也繡爲方領上刺作繡

文王莽傳有人著赤繡方領上服也馬援傳朱勃衣方領

能矩步頸下施衿領正方學者之服玉藻言深衣之制而

間以長中繼揜尺深衣與長中同制異飾以其衣裳邃謂

之深衣祛褻長謂之長衣有表而在中謂之中衣檀弓曰

練練衣黃裏注練中衣以黃爲裏則中衣亦有裏皇侃說

凡祭服先加明衣次中衣冬次加袍夏葛次加祭服朝服

亦先明衣次中衣冬次加裘裘上裼衣裼衣上朝服夫裘

上裼衣即朝服耳其言裼衣上又有朝服是襲鄭氏之論

也禮言繡黼詩言朱襮皆諸侯禮而天子領緣之制無聞

玉藻唯君有黼裘以誓省大裘非古也大裘羔裘黼裘以羔

省當為黼黼秋田也國君有黼裘君衣狐白裘錦衣以裼之

誓黼田之禮時大夫又有大裘也君衣狐白裘君衣狐白毛之裘則以素錦為衣覆之使君之右虎裘厥左

可裼也袒而有衣曰裼必覆之者裘裘也君之右虎裘厥左

狼裘衛尊者宜武猛士不衣狐白辟君也狐之白者君子狐青裘豹

裘元綃衣以裼之大夫士也綃綺屬也染之以元麕裘青紆裘絞衣以裼之

也詩羔裘逍遙狐裘以朝諸侯朝天子之服也羔羊之皮素絲五

紕小曰羔大曰羊皮所以為羔羊之革素絲五紕革猶皮也

紕大夫燕居之服素白也羔羊之革素絲五紕紕裘之縫

界羔羊之縫素絲五總以為裘也羔裘豹飾孔武有力

飾絳袖也禮君用純物臣下羔裘晏兮三英粲兮晏鮮盛也

之故羔裘而以豹皮為之也未詳論語緇衣羔裘素衣麕裘黃衣狐裘緇黑也素白也麕鹿子也

以緇裘欲其相稱稱褻裘長短右袂長欲其溫短右狐貉之

厚以居狐貉毛玉藻犬羊之裘不裼裼庶人無不文飾也不

裼裘之裼也見美也弔則襲不盡飾也君在則裼盡飾也服

之襲也充美充猶覆也所敬是故尸襲尸執王龜襲重寶也無

事則裼弗敢充也謂已致禮不盛服不充禮盛者故大裘

不裼謂祭表裘不入公門表裘外襲裘不入公門當裼也

右裘制及裼襲禮書狐善疑貉善睡疑斯戒睡斯安燕

息者之事也故燕居與蜡服之終南詩箋以狐裘為行禮

之服謂狐白上衣皮弁非詩意也君子狐青裘豹褻玄綃

衣以裼之蓋大夫士之燕服狐白象德之成狐青象仁之發故狐白人君之服狐青則大夫士同之紂以狐白兔西伯田子方以狐白禮子思田文以狐白脫秦患其貴可知士不衣狐白裘不特其德未成亦不敢以賤服貴歟羔裘以素絲爲組施於縫中以爲英飾其界有絨有殺有縫其別爲紕其聚爲總又飾之以豹示與大裘異也豹取其武而有文青豻取其仁而能守 袒而見裘曰裼揜而充裘曰襲羔裘之上緇衣其正服也黃衣錦衣亦然鄭氏崔靈恩以爲袒而有衣曰裼若然裘之上有裼衣裼衣之上有正服是裼襲在衣不在裘而經言裼裘襲裘何耶檀弓鹿裘衡長祛裼之可也亦裼受服以見鹿裘之美而已

玉藻天子素帶朱裏終辟而素帶終辟大夫素帶辟垂士練

帶率下辟居士錦帶弟子縞帶謂大帶也而素終辟諸侯也

衣帶為之下天子也大夫亦如之率緯也士以下皆禪不合

而緯積如今作縞頭為之也辟讀如禪冕之禪禪謂以縞采

飾其側人君充之大夫禪其紐及末士禪其末而已并紐約用組三寸長齊於帶紳長

制士三尺有司二尺有五寸子游曰參分帶下紳居二焉紳

細結三齊三寸謂約帶紐組之廣也長齊於帶與紳齊也紳

分帶下而三尺則帶高於紳也結約餘也大夫大帶四寸雜帶君朱綠大夫元華

士緇辟二寸再繚四寸凡帶有率無箴功雜猶飾也即上之

朱下以綠終之大夫禪垂外以元內以華華黃色也士禪垂

之下外內皆以緇是謂緇帶大夫以上以素皆廣四寸士以

練廣二寸再繚之凡帶有司之帶也亦緯之如士帶矣無肆

箴功則不禪之士雖緯帶禪亦用箴功凡帶不禪下士也

束及帶勤者有事則收之走則擁之肆讀為肆肆餘也餘束約組之餘紐也

革帶博二寸

右帶 禮書易言鞶帶許慎服虔皆以鞶爲帶鄭氏以男
鞶革爲盛悅之囊誤也詩言垂帶而厲毛萇杜預皆以厲
爲帶之垂者鄭氏以而厲爲如裂亦誤也辟猶冠裳之辟
積率縫合之士冠禮主人朝服緇帶冠者爵弁皮弁緇布
冠皆緇帶則士帶練而飾以緇也士辟下二寸則所辟其
下端二寸再繚四寸則結處再繚屈之四寸鄭氏以華爲
黃以凡帶爲有司之帶以率爲士與有司之帶以辟爲裨
以二寸爲士帶廣以至大夫以上用合帛士以下禪而不
合皆非經據之論士喪禮韜帶搢笏鄭氏曰韜帶用革笏
搢於帶之右旁然則革帶博二寸用以繫佩韜然後以大

帶而佩繫於革帶笏搢於二帶之間晉語申孫之矢集於桓鉤鉤近於祛則革帶謂之鉤鑠唐以玉爲鉤鑠與古異矣

玉藻一命緼韍再命赤韍三命赤韍

此元冕爵弁服之釋尊祭服異其名耳載之言

亦蔽也緼赤黃之閒色所謂韎也

小雅赤芾金舄會同有繹

赤芾諸侯之服赤舄赤舄

而加金飾亦諸侯之服

玉藻韠君朱大夫素士爵韠

此元端服之釋也韠之言蔽也

凡韠以韋爲之必象裳色則天子諸侯元端朱裳大夫素裳唯士元裳黃裳雜裳也皮弁服皆素韠圓殺直目

制公侯前後方

殺四角使之方變於天子也所殺者去上下各五寸

大夫前方後挫角

圓其上方變於君也韠以下爲前以上爲後

士前後正

正直方之閒語也天子之士則直諸侯之士則方

韠下廣二尺上廣一尺長三尺其頸五寸肩革帶博二寸

五寸

寸亦謂廣也頸中央肩兩角皆上接革帶以繫之肩與革帶廣同凡佩繫於革帶

雜記韠長三尺

下廣二尺上廣一尺會去上五寸紕以爵韋六寸不至下五

寸純以素紃以五采

會謂領上縫也領之所用蓋與紕同在下曰純素生帛也紕六寸者

中執之表裏各三寸也純紕所不至者五寸與會去上同紃施諸縫中若今時條也

玉藻齊則綰結

佩而爵韠

爵韠者齊服元端

右韠

禮書爾雅蔽膝謂之褱釋名韠蔽也韠之作在衣

之先其服在衣之後色則視裳公侯伯之卿三命大夫再

命其助祭聘王以元冕纁裳故赤韠以其第前曰韠以其

一巾足矣曰韠以色曰縕以縕質曰韠韠士冠禮於皮弁

元端言韠於爵弁言韠韠詩於素韠言韠於朱芾言芾韠

者芾之通稱而芾與韠韠異其名尊祭服也諸侯朝王赤

芾君子之齊服皆爵韠采芾言韠以朱瞻彼洛矣言韠以

韎韐蓋兵事韋弁服纁裳故貴者以朱芾卑者以韎韐韎韐卽經韍也韠長三尺象三才頸五寸象五行下廣二尺象地上廣一尺象天會去上五寸紕以爵韠六寸不至下五寸會猶書所謂作會也紕韠其上與旁純緣其下去會與純各五寸則其中餘二尺也紕六寸則表裏各三寸天子之韠直其會龍火與山諸侯前後方其會火以下大夫前方後挫角其會山而已古者喪服用韠無所經見詩曰庶見素韠是祥祭有韠也劉熙曰韠以蔽前婦人蔽膝亦如之唐志婦人蔽膝皆如其夫是婦人有韠也荀子曰共艾畢說者曰蒼白之韠是罪人有韠也及戰國連兵韍非兵飾去之明帝復制韍天子赤皮蔽膝魏晉以來用絳紗

爲之

玉藻古之君子必佩玉

君子士已上

右徵角左宮羽

徵角在右事也民也可以

勞宮羽在左君也物也宜逸

趨以采齊

路門外之樂節至應門謂之趨

行以肆夏

登堂之樂節

周還中規

反行宜圖

折還中矩

曲行宜方

進則揖之退則揚之然後玉

鏘鳴也

揖之謂小俛見於前也揚之謂小仰見於後也

故君子在車則聞鸞和之聲

行則鳴佩玉是以非辟之心無自入也

大戴禮上車以和

鸞爲節下車以佩玉爲度上有雙璜衡牙

衡平也半璧曰璜衡在中牙在旁

蚺珠以納其間

蚺亦玊作璜琚瑀以雜之

總曰玊或曰玊珠而赤者曰琚白者曰瑀美玉琚石

次行以采芡趨以肆夏步環中規折還中矩進則揖之退則

揚之然後玉鏘鳴也

玉藻凡帶必有佩玉唯喪否

凡謂天子以至

士佩玉有衡牙

居中央以前後觸也

君子無故玉不去身君子於玉比

德焉天子佩白玉而元組綬公侯佩山元玉而朱組綬大夫

佩水蒼玉而純組綬世子佩瑜玉而綦組綬士佩瑀玟而緼

組綬玉有山元水蒼者觀之文色所似也綬者所以貫孔子

佩象環五寸而綦組綬謙不比德亦不事也象有文君在

不佩玉左結佩右設佩謂世子也出所處而君在焉則去德

左者若於事有未能也居則設佩朝則結佩亦結齊則結結

佩又屈之一命緼韍幽衡再命赤韍幽衡三命赤韍蔥

衡衡佩王之衡也幽讀爲大雅何以舟之維玉及瑤鞞琫

容刀舟帶也鞞刀鞘也琫刀上

右佩 禮書詩有蒼蔥衡晉語曰玉之衡六雙楚語楚之

白珩大戴禮曰上有雙衡韋昭曰衡似磬而小孔穎達曰

佩玉上繫於衡下垂三道穿以蠙珠前後下端垂以璜中
央下端以衝牙珥貴白而賤幽綬貴元而賤素方叔非止
三命而佩蔥衡者孔穎達曰自三命至九命皆蔥衡也方
叔乘路車服朱芾則所佩豈特三命之衡哉爾雅青謂之
蔥佩玉之制或結或垂以著屈伸之理或設或否以適文
質之儀衡以平其心璜以中其德琚欲其有所安牙欲其
有所制

士冠禮履夏用葛元端黑履青絢縹純純博寸

履者順裳色元端黑履以

元裳爲正也絢之言拘也以爲行戒狀如刀衣鼻在履頭縹縫中絢也純緣也素積白履以魁拊之

緇絢縹純純博寸

魁蜃蛤拊注也

爵弁纁履黑絢縹純純博寸

爵弁履以

黑爲飾爵弁尊其履節以績次

冬皮履可也不履總履

纁不灰治曰總

內則偃屨

著綦

屈行膝綦履繫也

小雅亦帶在股邪幅在下

邪幅偏也邪纏於足如今行膝

右履

禮書士虞禮曰足有緣之爵謂之總爵則總緣也

赤總黃總以赤黃之絲爲下緣鄭康成曰總縫中紃正義

曰總者互底相接之縫綴條於其中鄭釋履人曰紃謂之

拘釋士喪禮曰紃在履頭以餘組連之止足折也賈公彥

曰拘謂履頭以條爲鼻或謂屈一寸屈之爲紃以受繫

穿貫者以絲爲之所以自拘戒童子不拘未能戒也喪禮

無紃去飾也人臣去國鞮屨不拘以喪禮處之儀禮組綦

繫於踵又曰綦結於跗連紃內則曰履著綦鄭氏曰綦履

繫也所以拘止履也綦讀如馬絆綦之綦綦屬於跟後以

兩端嚮前而結之

邪幅左氏曰帶裳幅舄幅所以自偏

束故謂之偏卽滕約之也漢謂之行滕內則男子事父母
有偏詩諸侯朝天子有邪幅則凡行皆有偏特婦人不用
秦滅齊獲其君冠而制高山冠形如通天冠頂不邪卻直豎
鐵爲卷梁高九寸無山展筭一名側注冠其體側立而曲注以賜近
臣中外謁者僕射行人使者等又以楚君冠賜御史曰法冠
以纚爲展筭鐵爲柱卷一名柱後惠文冠或謂之獬豸冠解
神羊一角惠文冠故趙君冠秦以賜近臣胡廣曰武靈王效
能別曲直胡服以金璫飾首前插貂尾爲貴職或以北土多寒胡人以
貂皮溫額後代效之亦曰惠文惠者蟬也其冠文細如蟬翼
或曰齊人見干歲涸澤神曰慶忌大冠乘小車疾馳因象其
冠

漢初不設車旗衣服之禁高祖詔賈人毋得衣錦繡綺縠絺
紵屬爵非公乘毋得冠劉氏冠成帝永始四年詔公卿列侯
蓄奴婢被服綺縠過制敕有司禁之青綠民所常服且勿止
武弁一名大冠諸武官冠之侍中常侍加黃金璫附蟬爲文
貂尾爲飾侍中插左貂常侍插右貂用赤黑色王莽用黃貂各隨服色
又名鵠鵠冠鵠鵠鷩鷩之屬幸臣閭孺爲侍中皆服大冠又雙
鵠尾豎左右名鵠冠鵠鷩鷩之屬天子武騎冠之樊噲冠漢將樊噲所
冠以入項羽軍制似平冕廣九寸前後出各四寸司馬殿門
衛士服之或曰噲裂裳以裹盾冠之入軍門

後漢三公諸侯山龍九章九卿以下華蟲七章皆備五采大
佩赤舄絢履以承大祭冕三公諸侯七旒青玉珠卿大夫五

旒黑玉珠皆有前無後各以其綬采為組纓旁垂黹纁郊天

地祀明堂則冠之百官執事者冠長冠即劉氏冠餘各服長冠

衮以從大射於辟雍公卿諸侯大夫冠委兒衣玄端素裳執

事者冠布弁衣緇麻衣皐領袖下素裳若冠通天冠服深衣

有袍隨五時色或曰周公抱成王寢居故施袍凡旒冕長冠委兒皮弁爵弁

建華以織為柱卷貫方山以五采穀為之祠巧士高七寸前

門從官者四人冠之衣裳文繡皆為祭服餘悉為常用朝

服唯長冠謂王國諸者以為常朝服云漢官儀諸侯王冠遠

三梁卿大夫尚書二千石博士冠宗廟祠祀皆冠長冠皐纁

袍單衣絳緣領袖中衣絳綺紵五郊色從其方色焉安帝立

謁廟門大夫從冠兩梁進賢洗馬冠高山侍御史任方奏請

非乘從時冠一梁不宜以為常服尚書陳忠奏門大夫職加

諫大夫洗馬職如謁者故宮門吏僕射等冠卻非冠

以長冠皆縮垂

五寸有

纓綬有五官左右虎賁羽林五中郎將羽林左右監皆冠紗

縠單衣虎賁將虎文劍佩刀虎賁武騎皆鶡冠虎文單衣襄
邑歲獻織成虎文云諸侯王赤綬四采赤黃縹紺淳赤圭長
二丈八尺三百首諸國貴人相國皆綠綬三采綠紫紺淳綠
圭長二丈一尺二百四十首公侯將軍紫綬二采紫白淳紫
圭長丈七尺百八十首九卿中二千石二千石青綬三采青
白紅淳青圭長丈七尺百二十首自青綬以上纁皆長三尺
二寸與綬同采而首半之纁者古佩璫也佩璫相迎受故曰
纁紫綬以上纁綬之間得施玉環璫云千石六百石黑綬三
采青赤紺淳青圭長丈六尺八十首四百石三百石長同四

百石三百石二百石黃綬淳黃圭一采長丈五尺六十首自
黑綬以下繼綬皆長三尺與綬同采而首半之百石青紺綸
一采宛轉繆織長丈二尺

魏明帝以公卿袞黼之飾擬於至尊始制服刺繡公卿織成
漢承秦改六冕之制但玄冠絳衣而已魏已來名爲五時朝
服又有四時朝服

晉制王公卿助祭郊廟冠平冕王公八旒卿七旒組爲纓色
如綬文武眾官皆服革帶有囊綬則綴於革帶其戎服以皮
絡帶代之八座尙書以生紫爲袷囊綬之服外加於左肩爲
朝服袴褶之服無定色冠黑帽綬紫標標以繒長四寸廣一
寸腰有絡帶以代鞶

鞶古制也漢世著鞶囊者側在要間或謂之旁囊或謂之綬囊

中官紫

標外官絳標又有纂嚴戎服不綴標畋獵巡幸則從官戎服帶盤革文官不下纓武官服冠盛服則雜寶爲佩金銀校飾綬黃赤纁紺四采太子諸王纁朱綬赤黃纁紺相國綠纁綬三采綠紫紺郡公朱侯伯青朱子男素朱皆三采公嗣子紫侯嗣子青鄉亭關內侯紫綬白二采郡國太守內史青尙書令僕射中書監令祕書監皆黑丞皆黃諸府丞亦然其佩刀者以木代眞刀也

宋王公卿祭服制同後漢行鄉射禮則公卿委貌冠皁絹爲之形如覆杯與皮弁同制長七寸高四寸衣黑而裳素其中衣以皁緣領袖執事人皮弁以鹿皮爲之朝服一具冠幘各一絳緋袍皁緣中單衣領袖各一領革帶袷袴各一舄袜各

一量簪導飭自副四時朝服者加絳絹黃緋青緋皁緋袍單衣各一領五時朝服者加給白絹袍單衣一領諸在官二品以上非禁物皆得服之三品以下不得服三鎮以上蔽結爵又假眞珠翡翠校飾纓佩雜采衣栝文綺齊繡黼黻離褂袍六品以下不得服金鎮綾錦錦繡七緣綺貂狔裘金又銀鈿八品以下不得服羅紉綺縠雜色眞文騎士卒百工人不得服大絳紫襪假結眞珠璫珥犀璫瑁越屨履色無過綠青白奴婢衣食客不得服白幘襦絳金黃銀又鑲鈴鐻鉅履色無過純青諸王公佩山元玉郡公侯卿校以下佩水蒼玉齊因宋制王公助祭平冕服山龍以下九章卿七章皆畫皁纁爲之佩玉與晉宋制同建元四年制王公侯卿尹珠水

精其餘用牙蜂太官宰人服離支衣後定

梁天監三年何佟之議公卿祭服有中衣卽今中單也從漢祭服絳緣領袖爲中衣絳袴襪示赤心奉神也今中衣絳緣無侯於袴謂不可施遂依議除之九年司馬筠等議玉藻諸侯玄冕以祭裨冕以朝雜記大夫冕而祭於公弁而祭於己今之尙書上異公侯下非卿士止有朝衣無冕服宜依太常及博士諸齊官例著白衣絳襪中單竹葉冠

陳諸王朝服朱衣絳紗袍皁緣中衣素帶黑舄開國公侯伯子男並朝服絳紗朱衣助祭郊廟皆衮玄上纁下山龍以下九章備五采大佩赤舄絢履餘文官朝服武賁中郎將羽林監絳紗縠單衣州刺史絳朝服直閣將軍諸殿王帥朱衣正

直絳衫從則襴襦衫太子衛率率更令丞阜朝服殿中將軍
員外將軍州郡都尉司馬中通事舍人太子通事等並朱服
玄衣赤幘袴褶太子二傅所服武冠絳襦殿前威儀武資散
給使闕將鼓吹士帥副太子鹵簿戟吏所服國子生服白紗
巾晉太元中國子生見祭酒博士單衣角巾執經一卷入殿
門有籠冠者著之有纓則下之介幘不得上正殿及東西堂
臺官問訊皇太子朱服著襪謁諸王單衣幘庶姓單衣帻詣
三公必衣帻至黃閣下履過閣還著履

漢明帝始復制佩而漢末亡絕魏侍中王

案識其形復造焉今之佩案所制也

後魏天興六年詔有司始制冠冕各倣品秩以示差等

後齊平冕黑介幘青珠簾上公九三公八諸卿六以組爲纓

色如其綬衣皆玄上纁下三公山龍八章九卿藻火六章唯郊祀天地宗廟服之遠遊三梁諸王所服未冠則空頂黑介幘開國公侯伯子男及五等散爵如之進賢冠二品已上三梁四品已上兩梁五品已下皆一梁致仕者冠委貌主兵官及侍臣著武弁侍臣加貂璫御史大理著法冠諸謁者太子中導客舍人著高山冠宮門僕射殿門吏亭長太子率更寺宮門督太子內坊察非吏諸門吏等皆著卻非冠羽林武賁著鷩冠錄令以下尙書以上納言幘請雨服緇幘東耕青幘庖人服綠幘一品玉具劔佩山玄玉二品金裝劔佩水蒼玉三品及開國子男五等散品名號侯並銀裝劔佩水蒼玉侍中已下通直郎已上陪位則像劔帶真劔者入宗廟及升殿

若在仗內皆解劔一品及散郡公開國公侯伯皆雙佩二品三品及開國子男五等散品名號侯皆隻

佩綬亦如之

後周諸公服九章章數隨冕而降其一九等以山為領標諸侯服八章而下八等華蟲為領標諸伯服七章而下七等火為領標諸子服六章六等宗彝為領標諸男服五章藻為領標三公服章六衣重藻粉米裳重黼黻為八等公卿服章四衣重粉米裳重黼黻為七等以粉米為領標大夫服章三衣重粉米裳重黼黻為六等中大夫下大夫服章各三衣重粉米為五等四等士則祀弁爵弁玄冠服皆玄衣其裳上士玄中士黃下士雜裳謂前玄後黃庶士玄冠服其在官府史之屬服緇衣裳武帝初服常冠以阜紗全幅向後幘髮仍裁為四腳

胡寅曰紗縠既行諸冠由此漸廢紗而用漆爲兩帶上結兩
後垂唐以來然矣此四脚之變也其後則以垂者左右橫之
其頂則起後平前方爲六角天子侍衛之近者則武其一脚
翹其一脚
禮則服冕
及宿衛官皆著五色衣以錦綺續繡爲緣名曰品色衣有大

隋制袞冕九章同皇太子王公開國公受冊執贄入朝祭祀
親迎及三公助祭者服之鷩冕七章衣華蟲火宗彝藻粉
米黼黻侯伯受冊執贄入朝祭祀親迎服之毳冕五章衣宗
彝藻粉米裳黼黻子男受冊執贄入朝祭祀親迎服之絺冕
三章三品至五品助祭服之王公以下服章皆繡祭服冕皆
簪導青纁充耳玄衣纁裳白紗內單黼領絺冕以下青標襪
裾革帶鈎鐃大帶朱韍韍隨裳色衮鷩毳火劍佩綬韞赤舄

爵弁服九品以上助祭服之其制玄衣纁裳無章白絹內單

青領襍褻裾革帶大帶練帶紐其垂內外青紐爵韠韠赤履白帓

白紗單衣烏皮履上下通服之委貌冠未冠則雙童髻空頂

黑介幘皆深衣青領烏皮履上下通服四門生服之朝服亦

具絳紗單衣白紗內單皐領袖皐褻裾革帶鉤鑾假帶曲領方

心絳紗蔽膝韠舄綬劔珮五品以上陪祭朝饗拜表凡大事

服之六品以下從七品以上去劔珮綬餘並同絳紗單衣革

帶鉤鑾假帶方心韠履紛鞶囊五品以上陪祭朝饗拜表凡

大事服之六品以下從七品以上去劔珮綬餘並同自餘公

事皆從公服亦各從省服絳紗單衣革帶鉤鑾假帶方心韠履紛

鞶囊從五品以上服之絳繡衣公服繡衣即單衣不垂胡者袖狹形直如繡內餘同

從省也 流外五品以上服之十二衛大將軍將軍太子左右諸衛內率左右監門郎將及諸副率並武弁絳朝服劔佩綬侍從則平巾幘紫衫大袴直閣將軍直寢直齊太子直閣亦如之周武帝時百官燕會並帶刀升座開皇十二年制凡朝會應登殿坐者劔履俱脫其不坐者勅召奏事及須升殿亦就席解劔煬帝時百官從行唯服袴褶大業六年詔從駕涉遠者文武官皆戎衣襯用五色五品以上通著紫袍六品以下兼用緋綠吏胥青庶人白屠商阜士卒黃

唐羣臣之服二十有一一品袞冕九旒青璫爲珠貫三采玉以組爲纓色如其綬青纁充耳寶飾角簪導青衣纁裳九章龍山華蟲火宗彝在衣藻粉米黼黻在裳皆絳爲繡徧衣白紗中單黼領青標襪裾朱韞赤舄革帶鈎鐔大帶黻隨裳色

金寶玉飾劒鏢首山玄玉佩綠緌綬綠質綠紫黃赤爲純長
丈八尺廣九寸二百四十首郊祀大尉攝事亦服之二品鶯
冕八旒青衣纁裳七章如隋制銀裝劒佩水蒼玉紫綬紫質
紫黃赤爲純長丈六尺廣八寸百八十首革帶之後有金鏤
鞶囊金飾劒水蒼玉佩朱鞶赤舄三品毳冕七旒寶飾角簪
導五章如隋制鞬二章山火紫綬如二品金銀鏤鞶囊餘同
二品四品絺冕六旒三章粉米在衣黼黻在裳中單青領鞬
山一章銀鏤鞶囊自三品以下皆青綬青質青白紅爲純長
丈四尺廣七寸百四十首餘同三品五品玄冕羅爲之五旒
衣黻無章裳刺黻一章角簪導青衣纁裳其服用紬大帶及
裨外黑內黃黑綬紺質青紺爲純長丈二尺廣六寸百二十

角同三品三品以下私祭皆服之

平冕郊廟武舞郎之服也黑衣絳

裳革帶烏皮履爵弁六品至九品從祀之服紬爲之無旒黑
纓角簪導青衣纁裳白紗中單青領襌襪裾革帶鉤裼大帶
及裨內外皆緇爵韠白韠赤履五品以上私祭皆服之武弁
武官朝參殿庭武舞郎堂下鼓人鼓吹按工之服也有平巾
幘武舞緋絲布大袞白練襪襠螭起梁帶豹文大口袴烏
皮韠鼓人朱襦衣草帶烏皮履鼓吹按工加白練襪襠弁服
九品公事之服也鹿皮爲之通用烏紗牙簪導纓一品九璫
二品八璫三品七璫四品六璫五品五璫犀簪導皆朱衣素
裳革帶鞶囊小纓雙佩白韠烏皮履六品以下去璫及鞶囊
纓佩六品七品綠衣八品九品青衣進賢冠者文武朝參三

老五更之服也黑介幘青綬紛長六尺四寸廣四寸色如其綬三品以上三梁五品以上兩梁九品以上及國官一梁六品以下私祭皆服之侍中中書令左右散騎常侍有黃金璫附蟬貂尾侍左者左珥侍右者右珥諸州大中正一梁絳紗公服殿庭文舞郎黃紗袍黑領襪白練襪襜褕白布大口袴革帶烏皮履遠遊冠者親王之服也黑介幘三梁青綬金鉤釧大帶金寶飾劍玉鏢首纁朱綬朱質赤黃纁紺爲純長丈八尺廣九寸二百四十首黃金璫附蟬諸王則否法冠御史大夫中丞御史之服高山冠內侍省內調者親王司閤謁者之服委貌冠郊廟文舞郎之服有黑絲布大褱白練領襪絳布大口袴革帶烏皮履卻非冠亭長門僕之服平巾幘武官衛

官公事之服金飾五品以上兼用玉大口袴烏皮鞢白練裾
襦起梁帶陪大仗有襦褙騰蛇朝集從事州縣佐史岳瀆祝
史外州品子庶民任掌事者服之有緋褶大口袴紫附袴文
武官騎馬服之則去襦褙騰蛇袴褶之制五品以上細綾及
羅爲之六品以下小綾三品以上紫五品以上緋七品以上
綠九品以上碧襦褙之制一當胸一當背短衷覆膊騰蛇之
制以錦爲表長八尺中實以絛象蛇形起梁帶之制三品以
上玉梁寶鈿五品以上金梁寶鈿六品以下金飾隱起黑介
幘者國官視品府佐謁府國子太學四門生俊士參見之服
簪導白紗單衣青襟標領革帶烏皮履未冠者冠則空頂黑
介幘雙童髻去革帶書算律學生州縣學生朝參則服烏紗

帽白裙襦青領未冠者童子髻介幘者流外官行署三品以下登歌工人之服也絳公服以纁緋爲之制如絳紗單衣方心曲領革帶鉤鐔假帶鞮烏皮履九品以上則絳襦衣制如絳公服而狹褻形直如溝不垂緋褶大口袴紫附袴去方心曲領假帶登歌工人朱連裳革帶烏皮履殿庭加白練褰褱平巾綠幘者尙食局主膳典膳局典食太官署食官署供膳奉觴之服也青絲布袴褶羊車小史五辨髻紫碧腰褱青耳屬滿刻生漏童總角髻皆青絲布袴褶具服者五品以上陪祭朝饗拜表大事之服亦曰朝服冠幘簪導絳紗單衣白紗中單黑領裏黑褱襪裾白裙襦革帶金鉤鐔假帶曲領方心絳紗蔽膝白鞮烏皮屣劒紛鞶囊雙佩雙綬六品以下去劒

佩綬七品以上白筆代簪八品九品去白筆白紗中單以履
代舄從省服者五品以上公事朔望朝謁見東宮之服亦曰
公服冠幘纓簪導絳紗單衣白裙襦革帶鈎釧假帶方心鞵
履紛鞞囊雙佩烏皮履六品以下去紛鞞囊雙佩三品以上
有公爵者嫡子婚假絺冕五品以上子孫九品以上子爵弁
庶人婚假絳公服腰帶者搢垂頭於下名曰鈍尾取順下之
義一品二品鈐以金六品以上犀九品以上銀庶人鐵袍衫
親王及三品二王後服大科綾羅色紫飾玉五品以上服小
科綾羅色朱飾金六品以上服絲布交梭雙紉綾色黃六品
七品服綠飾銀八品九品服青飾鍮石勳官之服隨其品而
加佩刀礪紛帨流外官庶人部曲奴婢則服紬絹純布色用

黃白飾以鐵銅太宗又命七品服龜甲雙巨十花綾色用綠
九品服絲布雜綾色用青後以紫爲三品服金玉帶銙十三
緋爲四品服金帶銙十一淺緋爲五品服金帶銙十深綠爲
六品服淺綠爲七品服皆銀帶銙九深青爲八品服淺青爲
九品服皆鍮石帶銙八黃爲流外及庶人服銅鐵帶銙七馬端臨曰紫緋綠青爲命服倣於隋煬帝巡遊之時而其制遂定於唐然揚子雲言紆青拖紫丹朱其轂則漢時青紫亦貴官
服之唐初士人以棠苧襴衫爲上服一命以黃再命黑三命纁
四命綠五命紫士服短褐庶人以白中書令馬周請加襴袖
襴襪爲士人上服開髀者名曰缺髀衫庶人服之又請裹頭
者左右各三襪以象三才重繫前腳以象二儀詔皆從之太
尉長孫無忌又議服袍者下加襴緋紫綠皆視其品太宗製

進德冠以賜貴臣玉璫制如弁服以金飾梁花趺三品以上

加金絡五品以上附山雲冠制如幘頭皇太子乘馬則服之

朱子語錄唐人幘頭初以紗爲之後以輭筵斫木作一山子在前襯起名曰軍容頭起於魚朝恩其先幘頭四角有脚兩脚係向前兩脚係向後後來遂橫兩脚以鐵縣張之然惟人主得裹此後來藩鎮僭用士大夫因亦用之唐初賞

朱紫者服於軍中其後軍將亦賞以假緋紫有從戎缺髻之

服不在軍者服長袍或無官而冒衣綠開元中詔殿中侍御

史糾察諸衛大將軍中郎以下給袍者皆易其繡文于牛衛

以瑞牛左右衛以瑞馬驍衛以虎武衛以鷹威衛以豹領軍

衛以白澤金吾衛以辟邪行六品者冠去璫珠五品去聲囊

雙佩幘頭用羅縠景雲中詔衣紫者魚袋以金飾之衣緋者

以銀飾之開元初駙馬都衛從五品者假紫金魚袋都督刺

史品卑者假緋魚袋五品以上檢校試判官皆佩魚中書令張嘉貞奏致仕者佩魚終身自是百官賞緋紫必兼魚袋謂之章服初職事官三品以上賜金裝刀礪石一品以下則有手巾算袋佩刀礪石至睿宗時罷佩刀礪石而武官五品以上佩韞韐七事佩刀刀子礪石契苾真喊厥鍼筒火石是也文宗定袍襖之制三品以上服綾以鶻銜瑞草雁銜綬帶及雙孔雀四品五品服綾以地黃交枝六品以下服綾小窠無文及隔織獨織

宋初諸臣祭服九旒冕

無八旒六旒

塗金銀花額犀玳瑁簪導青

羅衣繡山龍雉火虎雉五章緋羅裳繡藻粉米黼黻四章緋蔽膝繡山火二章白花羅中單玉裝劔佩革帶暈錦綬二玉

環緋白羅大帶緋羅襪履親王中書門下奉祀則服之其冕
無額花者玄衣纁裳悉畫小白綾中單師子錦綬二銀環餘
同上公奉祀則服之七旒冕犀角簪導衣裳五章同唐銀裝
佩劔革帶餘同九旒冕九卿奉祀服之五旒冕青羅衣裳無
章銅裝佩劔革帶餘同七旒冕四品五品爲獻官服之六品
以下無劔佩綬紫檀衣朱裳羅爲之皁大綾綬銅裝劔佩御
史博士服之平冕無旒青衣纁裳無劔佩綬餘同五旒冕太
祝奉禮服之凡元豐元年詳定禮文所請修製五冕及爵弁服
凡祀四望山川羣祀社稷五祀絺冕朝夕日
月風師雨師司命司中玄冕若七祀蜡祭百神先蠶五龍
孟星壽星司寒馬祭益皆羣小祀之比當服玄冕從之中
與更定爲四等一鷩冕八旒二毳冕六旒三絺冕四旒四玄
冕無旒禮部言國家承唐初有五旒後去三公衮冕及絺冕
但有七旒鷩冕五旒毳冕無旒玄冕三等自尙書服

冕見以至光祿丞亦服焉貴賤幾無差今合增鷩冕朝服一
爲六旒復置絺冕爲四旒并及無旒玄冕共四等

朝服一

進賢冠二貂蟬冠三獬豸冠朱衣朱裳進賢五梁冠塗金銀
花額犀玳瑁簪導立筆緋羅袍白花羅中單緋羅裙緋羅蔽
膝並皁襪襪白羅大帶白羅方心曲領玉劔佩銀革帶暈錦
綬二玉環白綾鞵皁皮履一品二品侍祠朝會則服之中書
門下冠加籠巾貂蟬三梁冠犀角簪導無中單銀劔佩師子
錦綬銀環餘同五梁冠諸司三品御史臺四品兩省五品侍
祠朝會則服之兩梁冠犀角簪導銅劔佩練鵲錦綬銅環餘
同三梁冠四品五品侍祠朝會則服之六品以下無中單劔
佩綬御史冠獬豸多角衣中單袴褶紫緋綠各從本服色白綾
中單白綾袴白綾方心曲領本品官導駕則騎而服之袴褶

之制武弁金飾平巾幘簪導紫褶白袴玉梁珠寶鈿帶鞞騎
馬服之金飾卽附蟬也一品九二品八三品七四品六五品
五侍中中書令散騎加貂蟬導駕官朱衣冠履依本品三品
以上紫褶五品以上緋褶七品以上綠褶九品以上碧褶竝
白大口袴起梁帶烏皮鞞進賢冠漆布爲之上縷紙爲額花
金塗銀銅飾後有納言以梁數爲
差凡七等以羅爲纓結之貂蟬冠一名籠巾織藤漆之形正
方如平巾幘飾以銀前有銀花上綴珠玕蟬左右爲三小蟬
銜玉鼻左插貂尾欄多冠卽進賢冠其梁上刻木爲解多角
碧粉塗之梁數從本品立筆之制前竹爲榦裏以緋羅黃絲
爲豪拓以銀鏤葉插於冠後文武皆簪焉

公服謂之常服三品以上服紫五品以

上朱七品以上綠九品以上青其制曲領大袖下施橫襖束

以革帶幘頭烏皮鞞王公至命士通服之元豐元年去青階

官至四品服紫六品服緋佩魚九品以上服綠武臣內侍服

紫不佩魚帶制有金毬路荔支師蠻海捷寶藏

方團二十五兩惟毬路方

團勝悉方勝荔支或爲御仙花束帶亦同

金塗天王八仙犀牛寶瓶荔支師蠻海

捷雙鹿行虎窪面束帶有金荔支師蠻戲童海捷犀牛胡荽

鳳子寶花金塗犀牛雙鹿野馬胡荽犀有上等次等以牯特

爲別

出黔南者在南海之下

太平興國七年學士李昉等奏請三品以

上服玉帶四品以上服金朝官已賜紫緋內職諸軍將校並

服紅鞞金塗銀緋方升朝著綠者公服上不得繫銀帶餘官

服黑銀方團勝及犀角帶恩賜者不用此制荔支帶本內出

以賜將相庶僚豈合僭服官至三品乃得服之士庶人之服

皁白衣鐵角帶不得服紫文武升朝官及諸司副使禁軍指

揮使廂軍都虞候之家子弟不拘此限幘頭巾子高不過二

寸五分

一名折上巾初以藤織草巾子爲裏紗爲表塗以漆後惟以漆爲堅去藤裏前爲一折平施兩脚以鐵爲

之中興士大夫之服一深衣二紫衫三涼衫四帽衫五襴衫

清熙中朱熹定祭祀冠婚之服頒行之凡具盛服有冠者幘

頭帶鞞笏進士則幘頭襴衫帶處士則幘頭阜衫帶無官者

通用帽子衫帶

其冠禮三加服詳冠禮篇

深衣用白細布如古制大帶緇

冠幅巾黑履

遼臣僚戴瓊冠金花爲飾或加珠玉翠毛額後垂金花織成

夾帶中貯髮一總或紗冠制如烏紗帽無簷不擬雙耳額前

綴金花上結紫帶末綴珠服紫穿袍繫鞞帶以黃紅色條

裹革爲之用金玉水晶璇石綴飾謂之盤紫太宗更以紫袍

金帶公服謂之展裹著紫

清寧元年詔非勳戚之後及額爾奇木副使並承應有職事人不帶

巾使衣謂之盤褕綠花穿袍中單多紅綠色貴者披貂裘以
黑色爲貴青次之銀鼠尤潔白賤者貂毛羊鼠沙狐裘漢服
親王遠游冠陪祭朝饗拜表大事服之冠三梁加金附蟬黑
介幘青綾簪導絳紗單衣白紗中單阜領襪裾白裙襦革帶
鈎鐔假帶曲領方心絳紗蔽膝鞮舄劔佩綬二品以上遠游
冠三梁黑介幘青綾進賢冠三梁寶飾二梁金飾公服一品
至五品冠幘纓簪導謁見東宮及餘公事服之絳紗單衣白
裙襦革帶鈎鐔假帶方心鞮履紛鞞囊六品以下冠幘纓簪
導去紛鞞囊餘並同常服五品以上幘頭紫袍金玉帶文武
官佩依唐制烏皮六合鞮六品以下幘頭緋衣銀帶魚袋佩
八品九品幘頭綠袍鍮石帶鞮並同

金朝服一品貂蟬籠巾七梁額花冠貂鼠立筆銀立筆犀簪
導佩劍緋羅大袖緋羅裙緋羅蔽膝各一緋白羅大帶天下
樂量錦玉環綬一白羅方心曲領白紗中單銀褐勒帛各一
玉珠佩二金塗銀革帶烏皮履白綾襪二品七梁冠銀立筆
犀簪導不佩劍緋羅大袖雜花暈錦玉環綬餘並同四品五
梁冠銀立筆犀簪白獅錦銀環綬珠佩銀革帶御史中丞則
獬豸冠青荷蓮綬餘並同五品四梁冠簇四金雕錦銅環綬
銀珠佩餘並同六品至七品三梁冠黃獅錦銅環綬珠佩銅
束帶餘並同拾享攝官導駕二品冠七梁三品四品六梁服
有金花五品至七品各減一梁監察御史獬豸冠青綬八品
九品冠二梁餘製並同祭服攝官則朝服散官則公服公服

文資五品以上服紫三師三公親王宰相一品服大獨科花
羅徑五寸執政服小獨科花羅徑三寸二品三品散搭花羅
謂無枝葉者徑寸半四品五品服小雜花羅謂花頭碎小者
徑一寸六品七品服緋芝麻羅八品九品服綠無紋羅武官
服紫親王玉帶佩玉魚一品玉帶佩金魚二品金帶佩金魚
三品玉帶佩金魚四品玉帶佩金魚五品玉帶佩金魚
六品玉帶佩金魚七品玉帶佩金魚八品玉帶佩金魚
九品玉帶佩金魚紅鞋烏犀帶武官一品二品佩帶同三品四品金帶五品六
品七品紅鞋烏犀帶皆不佩常服四帶巾盤領衣烏皮鞞其
束帶曰吐鵲巾以阜羅若紗爲之上結方頂折垂於後頂下
際兩角各綴方羅徑二寸許方羅下各附帶長六七寸當橫
額上或爲一縮襍積貫顯者於方頂循十字縫飾以珠其中
必貫以大者謂之頂珠帶旁各絡珠結綬長半帶垂之其衣

色多白三品以阜窄袖盤領縫腋下爲襍積而不缺袴其胸臆肩袖或飾以金繡其從春水之服多鵲捕鵝雜花卉之飾其從秋山之服則以熊鹿山林爲文其長中駢取便於騎也吐鵲玉爲上金次之犀象骨角又次之鈐周鞋小者閒置於前大者施於後左右有雙鉈尾納方束中其刻琢如春水秋山之飾左佩牌右佩刀刀貴鑲柄尙雞舌木黃黑相半有黑雙距者爲上或三事五事寶飾以醬瓣樺鐏口飾以鮫或屑金鑰和漆塗鮫隙而礪平之醬瓣樺者謂樺皮斑文色殷紫如醬中豆瓣也

明昌六年制文武官六貫石以上者許用牙領紫圓板阜條羅阜韉上得兼下係藉儒生

止服白衫領繫皆帶並以紫圓條羅帶乾阜韉餘人用純紫領不得用綠雜色圓板條羅帶不得用紫韉用黃及黑油阜

等鐵

元司徒大禮使祭服籠巾貂蟬冠青羅服領袖襖俱用皂綾紅羅裙

皂綾為襖紅羅蔽膝其羅花樣俱係牡丹白紗中單黃綾帶紅組金綬紳紅組金譯

語言訥克實各佩玉環二銀束帶玉佩白羅方心曲領赤革履白綾鞢諸

執事官貂蟬冠獬豸冠七梁冠六梁冠五梁冠四梁冠三梁

冠二梁冠青羅服領袖襖俱用皂綾紅綾裙皂綾為襖紅羅蔽膝紫羅公

服用梅羅花白紗中單黃綾帶織金綬紳各佩銅環二銅束帶白羅方心

曲領銅佩展角幘頭塗金荔枝帶烏角帶皂鞢赤革履白綾

鞢惟監察御史二冠獬豸服青綬凡迎香讀祝及祀日遇陰俱衣紫羅六品以下皆借紫百官濟遜冬

服九等大紅訥克寶一大紅克默爾里克一大紅官素一桃

紅藍綠官素各一紫黃鴉青各一夏之服凡十有四等素訥

克寶一聚線布哩頁蘇訥克寶一聚禍渾金間絲蛤珠一大

紅官素帶布哩頁蘇一大紅明珠褙子一桃紅藍綠銀褐各
一高麗鴉青雲袖羅一馳褐茜紅白毛子各一鴉青官素帶
布哩頁蘇一百官公服以羅大袖盤領俱右衽一品紫大獨
科花徑五寸二品小獨科花徑三寸三品散荅花徑二寸無
枝葉四品五品小雜花徑一寸五分六品七品緋羅小雜花
徑一寸八品九品綠羅無文幙頭漆紗爲之展其角偏帶一
品玉或花或素二品花犀三品四品黃金爲荔枝五品以下
烏犀並八胯鞋用朱革鞣以阜皮爲之
延祐元年定服色等第職官除龍鳳文外
一品二品服渾金花三品服金褙子四品五品服雲袖帶
六品七品服六花八品九品服四花職事散官從一高
明親王冕服如東宮冕旒用五采玉圭長九寸二分五釐青
衣纁裳皮弁及常服亦與東宮同
嘉靖七年定保和冠制用九徽去簪與五玉後山一

唐分畫爲四服青質青緣前後方龍補身用帔世子衮冕七章冕三采玉珠七旒圭

長九寸青衣三章織華蟲火宗彝纁裳四章織藻粉米黼黻

素紗中單青領襪赤韍革帶佩白玉元組綬綬紫質用三采

紫黃赤織成間織三白玉環白韍赤舄永樂三年更定冕冠前

後各八旒每旒五采藻八就貫三采玉珠八赤白青色相次

玉圭長九寸青衣三章火在肩華蟲宗彝在兩袖皆織成本

色領襪裾餘俱與親王同領織黻文減二皮弁用烏紗帽

之前後各八縫每縫綴三采玉八其圭佩帶綬韍舄如冕服

內制常服亦與親王同嘉靖七年定保和冠以燕弁爲準用

八袂去簪玉後山一扇分畫爲四服郡王冕冠前後各七旒

每旒五采纁七就貫三采玉珠七圭長九寸青衣三章粉米

在肩藻宗彝在兩袖皆織成纁裳二章織黼黻各一中單領
織黻文七皮弁前後各七縫每縫綴三采玉七餘皆與親王
世子同常服亦如之郡王長子朝服七梁冠大紅素羅衣白
素紗中單大紅素羅裳及蔽膝大紅素羅白素紗二色夾帶
玉朝帶丹礬紅花錦錦雞綬玉佩白絹鞢皐皮雲頭履鞣公
服皐縐紗幘頭大紅素紵絲衣玉革帶常服烏紗帽大紅紵
絲織金獅子開襖圓領玉束帶皐皮銅皐鞢其保和冠如忠
靜制用五襖服與郡王同補子用織金方龍文武官朝服俱
用梁冠赤羅衣白紗中單青飾領緣赤羅裳青緣赤羅蔽膝
大帶赤白二色絹革帶佩綬白鞢黑履公冠八梁加籠巾貂
蟬立筆五折四桂香草五段前後玉蟬侯七梁籠巾貂蟬立

筆四折四桂香草四段前後金蟬伯七梁籠巾貂蟬立筆二折四桂香草二段前後玳瑁蟬俱插雉尾駙馬不用雉尾一品冠七梁不用籠巾貂蟬革帶與佩俱玉綬用黃綠赤紫織成雲鳳四色花錦下結青絲網玉綬環二二品六梁革帶綬環犀餘同一品三品五梁革帶金佩玉綬用黃綠赤紫織成雲鶴花錦下結青絲網金綬環二四品四梁革帶金佩藥玉五品三梁革帶銀釵花佩藥玉綬用黃綠赤紫織成盤鵬花錦下結青絲網銀鍍金綬環二六品七品二梁革帶銀佩藥玉綬用黃綠赤織成練鵲二色花錦下結青絲網銀綬環二獨御史服獬廌八品九品一梁革帶烏角佩藥玉綬用黃綠織成鴻鵠二色花錦下結青絲網銅綬環二嘉靖八年更定

上衣赤羅青緣長過腰指七寸毋掩下裳中單白紗青緣下
裳七幅前三後四每幅三疊積赤羅青緣蔽膝綴革帶綬各
從品級花樣革帶之後佩綬繫而掩之其環亦各從品級用
玉犀金銀銅不以織於綬大帶表裏俱素惟兩耳及下垂緣
綠又以青組約之佩玉去雙滴及二珩三品以上玉四品以
下藥玉及鞞履文武官公服盤領右衽袍用紵絲或紗羅絹
袖寬三尺一品至四品緋袍五品至七品青袍八品九品綠
袍未入流雜職官同八品公服花樣自一品大獨科花至八
品均同元制幘頭漆紗二等展角長一尺二寸雜職官幘頭
垂帶後復令展角不用垂帶腰帶一品至四品同元制五品
以下烏角鞋用青革仍垂撻尾於下鞞用皂凡常朝視事以

烏紗帽團領衫束帶爲公服其帶一品玉二品花犀三品金
銀花四品素金五品銀銀花六品七品素銀八品九品烏角
凡致仕及侍親辭閑官紗帽束帶爲事黜降者服與庶人同
一品二品用雜色文綺綾羅絹綢頂帽珠除玉外隨所用六品至五
品用雜色文綺綾羅絹頂用金帽珠除玉外隨所用六品至五
九品用雜色文綺綾羅絹頂用銀帽珠除玉外隨所用六品至
香木一品至六品穿四爪龍以金繡爲之者聽公侯駙馬
伯服繡麒麟白澤一品仙鶴二品錦雞三品孔雀四品雲雁
五品白鵝六品鸞鷟七品鸛鷀八品黃鸝九品鵲鴉雜職練
鵲風憲官獬廌武官一品二品獅子三品四品虎豹五品熊
羆六品七品彪八品犀牛九品海馬品官常服用雜色紵絲
綾羅綵繡官吏衣服帳幔不許用元黃紫三色并織繡龍鳳
文嘉靖中制忠靜冠倣古元冠冠匡如制以烏紗帽之兩山

俱列於後冠頂仍方中微起三梁各歷以金線邊以金緣之
四品以下去金緣以淺色絲線忠靜服倣古元端服色用深
青以紵絲紗羅爲之三品以上雲四品以下素緣以藍青前
後飾本等花樣補子深衣用玉色素帶青表綠緣邊并裏素
履青綠條結白鞢禮部又奏定文武官不許擅用蟒衣飛魚
斗牛違禁華異服色其大紅紵絲紗羅服惟四品以上官及
在京五品堂上官經筵講官許服五品官及經筵不爲講官
者俱服青綠錦繡遇吉禮止衣紅布絨褐錦衣衛指揮侍衛
者仍衣麒麟其帶俸非侍衛及千百戶雖侍衛不許僭用狀
元冠二梁緋羅圓領白絹中單錦綬蔽膝紗帽光銀帶藥玉
佩朝鞞擅鞞皆御前頒賜進士巾如烏紗帽頂微平展角闊

寸餘長五寸許系以垂帶皁紗爲之深藍羅袍緣以青羅袖
廣而不殺革帶青鞵飾以黑角垂撻尾於後

論曰天之大數極於十二故王者衣十有二章冕十有
二旒法天之完數也自諸公而下位有等差是以數爲
迭減遭秦焚書蕩滅旣盡叔孫通起於枹鼓之間因時
立度未盡諧古至後漢明帝始詔諸儒採取尙書周官
戴記之文定從夏侯氏說諸王公卿冕用珠旒然五冕
之制不具又皆有前無後故雖名復古而其實多與古
戾焉後周及唐斟酌損益依準司服弁師二職而當時
禮臣進議以爲四旒三章獨宜臣下天子則否可謂不
惑傳註不徇曲說者矣宋承五季參校唐制獨去其所

謂八旒六旒者偏持異端非有準據南渡以後言者謂臣子地道象陰不宜襲九七五之制上同人主乃復八旒六旒其四旒如故夫臣下之節不得僭擬天子者惟旒十有二得天備數最爲尊異其他未嘗不可通共所謂諸公而下如王之服是也典命掌五等之命始於一終於九陰陽之數於是焉備如謂九七五之旒非臣下所宜服則命數亦可從而減乎金皇統中以朝服爲祭服冕旒廢而不用及世宗大定議復唐制卒格不行明代冕旒但施諸王不及品官曷若仍循唐制爲不愆先聖之儀哉

六典通考卷二十四

湖西閻鎮珩輯

爵命考

車旗之等

節仗 旌節

傘蓋 鞍轡

小宗伯辨車旗宮室之禁

家宗人掌宮室車旗之禁令

亦掌

也

巾車服車五采孤乘夏篆卿乘夏縵大夫乘墨車士乘

棧車庶人乘役車

服車服事者之車夏赤也或曰篆讀爲圭

畫無珠爾墨車不畫也棧車不革輓

凡良車散車不在等者

其用無常

給游燕及恩惠之賜不在等者謂若

陳祥道曰篆

者雕篆之文夏篆者篆其車而五采畫之也夏縵五采畫之

而不篆墨車墨漆之而不畫棧車素之而不漆考工記曰飾

車欲侈棧車欲舁尊者侈而伸卑者舁而屈故也春秋傳曰

山崩川竭君降服乘縵則縵車無文非夏縵也吳起曰縵詩

曰有棧之車行彼周道則士車非役車也鄭氏釋詩以棧車

為役車釋周禮以棧車飾以漆役車載任器又以篆為畫以

畫為畫轂其說誤也役車牛車棧亦作輶齊逢丑父寢於輶

中是也 大行人上公樊纓九就貳車九乘侯伯樊纓七就

貳車七乘子男樊纓五就貳車五乘繫纓馬飾也以刷飾之

就成也貳副也少儀貳車者諸侯七乘上大夫五乘下大夫三乘

此蓋殷制也周禮貳車公九乘侯伯七乘子男五乘卿大夫各如其命之數郊特牲乘大路諸

侯之僭禮也大路段天子禮也玉藻君羔辟虎植辟覆苓也植前

之直直謂條也大夫齊車鹿辟豹植朝車士齊車鹿辟豹植此君齊車之飾

臣之胡車與
齊車同飾

禮書韓奕詩曰鄴韞淺幘

淺虎皮淺毛也幘覆式也

少儀曰御負良綏

中之面拖諸幣曲禮曰大夫士去國素綫周禮巾車王之
喪車五乘木車大禋疏飾素車大禋素飾藻車鹿淺禋革
飾駟車然禋髮飾漆車豢禋雀飾旣夕禮主人乘惡車白
狗幣荀卿曰絲末彌龍所以養威也春秋傳曰齊侯魯侯
會於野井以幣爲席許慎曰幣髮巾也王之五幣皆有飾
則諸侯之虎韞大夫士之豹韞蓋其飾也幣若席然施諸
軾上其用有辨虎以其威猛而有義羔以其不黨跪乳而
有禮鹿以其善接其類而有仁豹之於虎爲威小矣齊於
朝爲禮異矣故諸侯勤王虎淺幣齊則羔幣虎飾而已士

之齊車鹿辟豹飾則朝車之辟與飾不以鹿豹而大夫齊車朝車皆鹿辟豹飾者屈於君故也

司常掌九旗之物名各有屬以待國事諸侯建旗孤卿建旌

大夫士建物師都建旗州里建旗縣鄙建旐仲冬教大閱司馬主其禮自王

以下治民者旗畫成物之象王畫日月象天明也諸侯畫交龍一象其升朝一象其下復也孤卿不畫言奉王之政教而

已大夫士雜帛言以先王正道佐職也師都六鄉六遂大夫也謂之師都民所聚也畫熊虎者鄉遂出軍賦象其守猛

莫敢犯也州里縣鄙鄉遂之官互約言之大行人上公建

鳥隼象其勇捷也龜蛇象其扞難辟害也常九旂侯伯建常七旂子男建常五旂常旌旗也旂其屬慘垂者也

禮書先儒以爲王之大常曳地諸侯之旂齊軫卿大夫齊

較士齊肩觀大常之旒使人維之則曳地可知矣侯伯建

常七旂子男五旂而均於齊軫以其皆君故也春秋之時

楚令尹爲王旌以田芋尹無宇斷之齊樂高伐虎門公使

王黑以靈姑鉞率告請斷尺而用之以其不可與君同制

則諸侯齊軫可知矣

家語曰鈴旗續紛下蟠於地後漢志龍旗九旂以齊軫熊旗五仞以齊肩

龜地圓仞以齊首

大司馬軍吏載旗考工記熊旗六旂以象伐

白虎宿與參連體而六星故六旂

熊虎之旗蓋皆六旂先儒以爲遂大夫

四命四旂鄉大夫六命六旂不可考也其杠之長短則有

差鄭氏曰山虞之旗其仞數則短是也秦四時各有旂

春青旂夏赤旂中央黃旂秋白旂冬黑旂

鄭有螭弧晉有蠶旗吳王建肥胡田

蚡曲旂後漢雲罕皆一時觀美而已豈古制哉臚物之旂

經無其說周禮典命車旗各眡其命數臚物之旂亦稱是

與旂旗旗旐之旂有常數者異也先儒以爲臚物旂如燕

尾此不可考聘禮卿載旌禮也既夕士載旌攝也朝則建大赤燕出入則載旌田則建大麾鄙則載旌旄旌旗皆注旄而旄與羽又注於旗

分魯公以大路大旂

此大路金路賜同姓諸侯車也

分康叔以大路少帛綳

枝旃旌

少帛雜帛也綳花太赤取染革名也

魯君孟春乘大路載弧韜旂十

有二旒日月之章祀帝於郊配以后稷天子之禮也

大路殷之祭天

車也孤旌旗所以張幅也其衣曰韜天子旌旗畫日月

鄭公孫蠆卒范宣子言於晉

侯以其善於伐秦也晉侯請於王王追賜之大路使以行禮

也

大路天子所賜車之總名以行葬禮穆叔如周聘王嘉其有禮也賜之大

路昭公四年叔孫卒杜洩將以路葬且盡卿禮

路王所賜南叔孫車

南遺謂季孫曰叔孫未乘路葬焉用之且冢卿無路介卿以葬

不亦左乎

家鄉謂季孫

季孫曰然使杜洩舍路不可曰夫子受命

於朝而聘於王

夫子謂叔孫

王思舊勳而賜之路復命而致之君

君不敢逆王命而復賜之使三官書之吾子爲司徒實書名

夫子爲司馬與工正書服孟孫爲司空以書勳今死而弗以

是棄君命也書在公府而弗以是廢三官也若命服生弗敢

服死又不以將焉用之乃使以葬公會晉師於上鄆賜三

帥先路三命之服

三帥郤克士嬖樂書已嘗受王先路之賜今改而易新並此車所建所服之物司

馬司空與帥侯正亞旅皆受一命之服

晉司馬司空皆大夫與帥主兵車侯正主

斥侯亞旅亦大夫也皆魯侯賜

絳之富商韋藩木槨以過於朝唯其功庸

少也

韋藩韋蔽前後木槨木棺也

齊景公因招虞人以旌不至將殺之

志士不忘在溝壑勇士不忘喪其元孔子奚取焉取非其招

不往也萬章曰敢問招虞人何以曰以皮冠庶人以旃士以

旂大夫以旌

皮冠田獵之冠也事見春秋傳通帛曰旂交龍爲旂析羽而注於旗干之首曰旌

禮書虞人掌田獵故招以皮冠大夫從游燕故招以旌士

君所禮故招以旃庶人孤卿所治故招以旃春秋時齊侯田於沛招虞人以弓不進辭曰昔我先君之田也旃以招大夫弓以招士皮冠以招虞人其言與孟子不同王制曰上大夫卿則孤卿上大夫也弓聘士之物詩曰翹翹車乘招我以弓則招大夫以旃士以弓以其所當用者招之非先王之禮然也

楚子之爲令尹也爲王旌以田

王旌旃至於軫

芊尹無宇斷之曰一

國兩君其誰堪之

范宣子假羽毛於齊而弗歸齊人始貳

析羽爲旌王者游車之所
建齊私有之因謂之羽毛
石陵之會晉人假羽旌於鄭鄭
人與之明日或施以會
繼旌日旄令賤人施其
旄執以從會示卑鄭
晉於是乎失
諸侯

漢初將相或乘牛車景帝中六年詔令長吏二千石車朱兩
轡千石至六百石朱左轡六百石以上施車轡得銅五末軛
有吉陽箛中二千石以上右騂三百石以上皐布蓋千石以
上皐繒覆蓋二百石以下白布蓋皆有四維杠衣賈人不得
乘馬車除吏赤畫杠其餘皆青云武帝天漢四年令諸侯王
大國朱輪特虎居前左兕右麋小國特熊居前麋皆居左右
大使車立乘駕四赤帷裳持節者重導從賊曹車斧車功曹
車皆兩大車璫弩十二人辟車四人從車四乘小使車不立

乘有駢赤屏泥油重絳帷導小使車蘭輿赤轂白蓋赤帷此追捕考按有所勅取者所乘諸使車皆朱班輪四幅赤衡輓公卿二千石郊廟明堂祀陵法出皆大車立乘駕駟他出安車公卿以下至縣三百石五吏賊曹督賊功曹皆帶劔主車導從縣令以上加導斧車牛車武帝推恩之末諸侯有寡弱

者乘牛車其後牛車稍通貴者所乘

程氏演繁露曰自吳楚誅後諸侯惟食租衣稅

故貧者或乘牛車緣無資可具非有禁約也韋玄成以列侯侍祠天雨淖不駕駟馬車而騎至廟下有司劾奏削爵東晉惟許乘車騎者御史彈之共駕車改用牛王導駕短轅轎車王濟之八百駁駁赤牛也色駁而行速日可八百里石崇之牛疾奔人不能追所以寶之南史吳興太守之官皆殺輓下牛以祭項羽案上古駕車皆駕牛無用馬者易曰服牛乘馬

諸侯以下建龍旃九旂七仞以象大火鳥旗七旂五仞以象鶉火熊旗六旂五仞以象參伐龜蛇旐四旂四仞以象營室

孤旌枉矢以象弧

後漢制公列侯安車朱班輪倚鹿較伏熊軾阜綰蓋黑輜右
駢中二千石二千石皆早蓋朱兩輜其千石六百石朱左輜
輜長六尺下屈廣八寸上業廣尺二分九丈十二仞後謙一
寸若月初生示不能自滿也郭賀傳舊典傳車驂駕乘赤帷
新淦人州別駕從事車前舊有屏星如刺史車曲翳儀式時
刺史行部發去日晏刺史怒欲去別駕車屏星恂議曰明使
君傳車自發晚而欲徹去屏星毀國舊儀此不可行公卿以
卽投傳去於是遂不去屏星說文曰車當謂之屏星公卿以
下至縣三百石長置門下五吏賊曹督盜賊功曹皆帶劔三
車從導主記兩車爲從縣令以上加導斧車公乘安車則前
後并馬立乘長安雒陽令及王國都縣加前後兵車亭長設
右駢駕兩璅駑車前伍伯公八人中二千石二千石六百石

皆四人自四百石以下至二百石皆二人公以下至二千石
騎吏四人千石以下至三百石縣二人皆帶劔持棨戟爲前
列建弓韜九韃諸侯王法駕官屬傅相以下皆備鹵簿似京
都官騎張弓帶韃遮迺出入稱課促列侯家丞庶子導從若
會耕祠主縣假給辟車鮮明卒備其威儀導從事畢皆罷所

假漢駟馬車止用四馬而鄭玄注詩曰周禮州長建旗漢太
守比州長法御五馬周之州統於縣比漢太守品秩不侔
不足爲據然太守用諸車之文諸侯王倚虎伏鹿棨文畫輅

五馬後漢已然矣

輅吉陽箛朱班輪鹿文飛軫九旂降龍公列侯倚鹿伏
熊黑幡朱班輪鹿文飛軫九旂降龍卿朱兩輪五旂降龍二
千石以下各從科品諸輅車以上輅皆有吉陽箛諸馬之文
王公列侯鏤錫又髦朱鑣朱鹿朱文絳扇汗青翅燕尾卿以

下有駢者緹屬汗青翅尾當盧又髦上下皆通中二千石以上及使者有駢駕云

魏因漢制文帝問東平王有輅爲是特賜乎鄭稱對曰天子五輅金輅以封同姓諸侯得與天子同乘金輅非特賜

晉制雲母車以雲母飾轎車以賜王公阜輪車駕牛形如轎車漆較轂上加青油幢朱絲繩絡諸王三公有勳德者特

加之位至公或四望三望夾望車油幢車駕牛如轎車阜輪

但不漆轂王公大臣有勳德特給之通轎車駕牛如轎車但

舉其轎通覆車上諸王三公並乘之武帝詔給魏舒陽燧四

望小車三望如四望油幢給車如三望而減王公加禮者乘

次三望平乘車

竹簾子璧指軸爲輪

通轎

其後形龍牽金塗支子花細轅頭後稍杏伏神承塗庶人

然三公諸王所乘自四望至平乘皆銅校飾諸公給朝車駕駟安車黑耳駕三自祭酒掾下及令史皆皂鈴特進以下諸將軍非持節都督者給安車黑耳駕二三公九卿二千石皆大車立乘駕四致仕告老賜安車駕四郡縣公侯安車駕二右駢皆朱班輪倚鹿較伏熊軾皂繒旗旂公八侯七卿五皆畫降龍中二千石二千石皆皂蓋朱兩轡銅五末駕二千石六百石朱左轡王公之元子攝命理國者安車駕三旗七旂侯元子五旂大使車立乘駕四赤帷裳騶騎導從公卿二千石郊廟上陵從駕所乘小使車不立乘駕四蘭輿皆朱轂赤展白蓋赤帷裳追捕勅取者所乘凡諸使車皆朱班輪赤轡輓追鋒車去小蓋加通幔如輅車駕二以迅速爲名戎陣間

爲傳乘軺車古將軍所乘傳也

漢輜輶貴而賤軺車魏晉貴軺車而賤輜輶三品將軍以

上尚書令軺車黑耳有後戶僕射但有後戶無耳並早輪

宋因晉有追鋒車雲母車四望車公及列侯所乘安車依漢舊制駕二馬旂旂旂王公八侯七卿五皆降龍公卿中二千石郊陵法出皆大車立乘駕四他出去位致仕皆安車四馬中二千石皆阜蓋朱轡銅五末駕二右駢王公世子侯世子並同晉制

齊制黃屋車建碧旗九旂

九旂鸞輅也以黃絡爲裏金塗較具絳絲

九命上公所

乘青蓋安車朱轡班輪駕一左右駢通轡車爲副諸王禮行

所乘阜蓋安車朱轡漆班輪駕一通轡牛車爲副三公禮行

所乘安車黑耳阜蓋爲車朱轡駕一牛車爲副國公列侯禮

行所乘馬車駕一九卿領護二衛驍游四軍五校從郊陵所
乘餘同晉法

梁制二千石四品以上及列侯皆給輅車駕牛伏兔箱青油
幢朱絲絡網轂皆黑漆天監二年令三公開府尚書令給鹿
輅輅車耳後戶阜輅尚書僕射左右光祿大夫侍中中書監
祕書監給鳳輅輅後戶阜輅領護國子祭酒太子詹事尚書
侍中列卿等給聊泥輅無後戶漆輪車騎驃騎及諸王除刺
史帶將軍給龍雀輅以金銀飾御史中丞給方蓋輅形小加
傘諸王三公有勲德者皆特加阜輪車駕牛形如犢車但烏
漆輪轂黃金雕裝上加青油幢朱絲絡通幟王公加禮者給
油幢絡車駕牛朱輪華轂

方州刺史並乘通幟平肩輿從橫
施八橫亦得金鍍裝較天子臣庶

下賤遞乘步輿方四尺上施隱漆以及襍舉之無禁限載
輿亦如之但不施欄以其就席便也優禮者人輿以升殿
後魏三公及王車朱屋青蓋制同五輅名曰高車駕三馬庶
姓王侯及尚書令僕射以下列卿以上並給輅車駕一馬或
乘四望通幟車駕一牛

北齊因之庶姓王儀同三司以下翟尾扇紫傘皇宗及三品
以上官青傘朱裏其青傘碧裏達於士人不禁從一品執事
散官及儀同三司乘油朱絡網車車牛飾得用金塗及純銀
三品乘卷通幟車車牛金飾七品以上乘偏幟車車牛飾以
銅

後周諸公輅九方輅

各象方之色

碧輅金輅皆錫面鞶纓九就金

鉤象輅犀輅貝輅革輅篆輅木輅皆疏面鞶纓九就皆以朱

白蒼三采諸侯輅八無碧輅諸伯七又無金輅諸子六又無
象輅諸男五又無犀輅凡就各如其命三公車輅九祀輅犀
輅具輅篆輅木輅夏篆夏纁墨車轅車自篆以下金塗諸末
錫鞶纁金鈎木輅以下銅飾諸末疏鞶纁皆九就三孤輅八
無犀輅六卿七又無貝輅上大夫六又無篆輅中大夫五又
無木輅下大夫四又無夏篆土車三祀車墨車轅車凡就各
如其命數自孤以下就以朱綠二采司常掌繼旗四以施軍
旅一曰麾供軍將二曰旛供師帥三曰旂供旅帥四曰旐供
倅長諸公方輅碧輅建旂金輅建旗象輅建物木輅建旐諸
侯金輅而下如諸公之旗諸伯象輅而下如諸侯之旗諸子
犀輅而下如諸伯之旗諸男象輅而下如諸子之旗三公犀

輅貝輅篆輅建壇木輅建旒夏篆夏綬及輅車建物孤卿已
下各以其輅建其旗旌杠六刃諸侯五刃大夫四刃士三刃
疏皇帝曳地諸侯及軹大夫及轂士及
軹凡注毛於杠首日綬析羽曰旌全羽曰旌其轂皇帝諸侯
加以佩綬開戟方六尺而被之以轂唯皇帝諸侯輅建焉關
戟杠綬與旗同

隋制公及一品象輅黃質象飾諸末建旗畫以鳥隼受冊告
廟升壇上任親迎及葬則乘之侯伯及二品三品革輅白質
建旗畫熊虎受冊告廟親迎及葬則乘之子男及四品木輅
漆飾建旒畫龜蛇受冊告廟親迎及葬則乘之象輅以下旂
及就數各依爵品犢車駕牛自王公以下五品以上並給乘
之三品以上青幟朱裏五品以上紺幟碧裏皆白銅裝唯有
慘及弔喪者不張幟而乘鐵裝車六品以下不給任自乘犢

車弗許施幟而乘初五品以上乘偏幟車其後停不用以互
幟代之三品以上通幟車青壁一品輅車油幟朱網唯車輅
一等聽勅始得乘之開皇十四年置王五等開國第一第二
品及刺史輅朱質朱蓋班輪左建旂旂
畫龍一升一降右建開戟第三第四品輅朱質朱蓋左
建旆通帛爲之旂旆皆赤其旒及樊纓就數各依其品馬珂
三品已上九子四品七子五品五子

唐車府令掌王公已下車輅辨其名數及馴馭之法一曰象

輅二曰革輅三曰木輅四曰輅車

象輅以象飾諸末朱班輪
八鑾在衡左建旂畫龍一

升一降右載開戟革輅以革飾諸末左建通帛爲旆餘同象
輅木輅以漆飾之餘同革輅三輅皆朱質朱蓋朱旒旆一
九旒二品八旒三品七旒四品六旒其輦
纓就數亦加之輅車曲壁青通幟碧裏也凡春秋二時謁陵

冊命王公及內外職事四品已上拜官正冬朝會婚葬奉使
皆視其品秩而給之親王以象輅三品已上以革輅五品已

上以木輅京縣令以輅車道大駕及初上給之其婚葬則從
京官三品已上給其馭給駕士親王十有八一品十有六二品十有二四品五品十有一縣令六也凡輅車之馬率馭士預調習之然後入

輅及車以牛駕者亦如之馬珂如隋制六品以下車去通轆
及珂親王兩簿有清道六人爲三重武弁朱衣革帶次轆弩
一執者平巾幘緋袴褶騎次青衣十二人平巾青幘青布袴
褶執青布仗袋分左右次車輻十二分左右車輻棒也夾車
而行故曰車輻執者服如轆弩次戟九十執者絳綦襖冒分
左右次絳引旛六分左右橫行以引刀楯弓箭稍次內第一
行廂執刀楯絳綦襖冒第二行廂執弓矢戎服第三行廂執
稍戎服大袍廂各四十人次節一夾稍二各一人騎執平巾

讀大口袴緋衫次告止旛四傳教旛四信旛八凡旛皆絳爲之署官號篆以黃飾以烏翅取其疾也金塗鉤竿長一丈一尺執者服如夾稍分左右次儀鋌二儀鎧六油戟十八儀稍十細稍十執者皆絳綦襖冒次儀刀十八執者服如夾稍分左右次誕焉八馭者服如夾稍分左右次府佐六人平巾幘大口袴緋襖襠騎持刀夾引次象路一駕四馬佐二人立侍一人武弁朱衣革帶居左一人緋襖襠大口袴持刀居右駕士十八人服如夾稍次繖一雉尾扇二次朱漆團扇四曲蓋二執者皆絳綦襖冒分左右次僚佐本服陪從次麾幢各一左麾右幢次大角鼓吹一品鹵簿有清道四人爲二重幢弩一騎青衣十人車輻十人戟九十絳引旛六刀楯弓箭稍皆

八十節二大稍二告止旛傳教旛皆二信旛六誕馬六儀刀
十六府佐四人夾行革輅一駕四馬駕士十六人繖一朱漆
團扇四曲蓋二僚佐本服陪從麾幢大角鐃吹皆備自二品
至四品青衣車輻每品減二人二品刀楯弓箭戟稍各減二
十三品以下每品減十而已二品信旛四誕馬四儀刀十四
革路駕士十四人三品亦如之儀刀十革路駕士十二人四
品五品信旛二誕馬二儀刀八木輅駕士十人自二品至四
品清道二人朱漆團扇二曲蓋二幟弩一騎旛竿長丈繖一
節一夾稍二萬年縣令亦清道二人幟弩一騎青衣車輻皆
二人戟三十告止旛傳教幡信幡皆二竿長九尺誕馬二輅
車一馬駕士六人繖朱漆團扇曲蓋皆一非尊駕及餘四等

縣初上者減轆弩車輻曲蓋戟亦減十內命婦夫人鹵簿青衣六人偏扇團扇皆十六執者閒綵裙襦綵衣革帶行障三坐障二厭翟車駕二馬馭人十內給使十六人夾車從車六乘織雉尾扇皆一團扇二內給使執之戟六十外命婦一品亦如之厭翟車馭人減二有從人十六人非公主王妃則乘白銅飾轎車駕牛馭人四無雉尾嬪青衣四人偏扇團扇方扇十四行障二坐障一翟車馭人八內給使十四人夾車四乘戟四十外命婦二品亦如之乘白銅飾轎車青通幟朱裏從人十四人嬪好美人才人青衣二人偏扇團扇方扇十行障二坐障一安車駕二馬馭人八內給使十人從車二乘戟二十太子良娣良媛承徽外命婦三品亦如之白銅飾轎車

從人十人外命婦四品青衣二人偏扇團扇方扇皆八行障
坐障皆一白銅飾轎車馭人四從人八餘同三品惟無戟自
夫人以下皆清道二人繖一又有國扇三天寶中置節度使
賜旌節得專制軍事行卽建節府樹六纛旌以絳帛五丈粉
畫虎有銅龍一首
纓緋旛紫纒爲袋油囊爲表節懸畫木
盤三相去數寸許隅垂赤麻餘與旌同

宋親王一品二品奉使及葬竝給革輅制同乘輿之副惟改
龍飾爲螭六引內三品以上乘革車赤質制如進賢車無案
駕四赤馬駕士二十五人其緋幟衣絡帶旗戟綢杠繡文司
徒以瑞馬京牧以隼御史大夫以獬豸兵部尙書以虎太常
卿以鳳駕士衣亦同縣令乘輅車黑質兩壁紗窗一轅金銅
飾紫幟衣絡帶竝繡雉銜瑞草駕二馬駕士十八人

元豐三年詳定

禮文所言鹵簿公卿奉引開封令乘輅車開封牧隼旗太常
卿鳳旗司徒瑞馬旗御史大夫解豸旗兵部尚書虎旗而乘
革車謹案周禮孤乘夏篆卿乘夏綬大夫乘墨車孤卿建旃
大夫建物請開封令乘墨車建物開封牧乘墨車建旗太常
卿御史大夫兵部尚書乘夏綬司徒乘
夏篆並建旃參備九旗之制詔從之 政和中定制象輅以

象飾諸末朱班輪八鸞在衡左建旂右載闢戟駕馬四親王
昏用之革車赤質載闢戟緋羅繡輪衣簾旗韜杠絡帶駕赤
馬四王公一品二品三品備鹵簿皆供革車一乘其輪衣簾
旗韜杠絡帶繡文開封牧以隼大司樂以鳳少傅以瑞馬御
史大夫以獬豸兵部尚書以虎輅車黑質紫幟衣絡帶並繡
雉施紅錦簾香鑪香寶結帶駕赤馬二駕馬皆有銅面插羽
繫纓繫胸鈴拂緋絹屨紅錦包尾 禮制局言成周上公九命
建常九旂侯伯七命建常
七旂子男五命建常五旂其卿六命其大夫四命則卿建旃
當六旂大夫建物當四旂至於三旂則上士所建也其闕封

令宜乘墨車而建物四旂開封牧御史大夫尚書皆卿也宜乘夏綬而建旗六旂詳定官蔡攸又言開封牧率王畿之眾而衛上師都之任也宜建旗從之

神宗優待宗室老疾不能騎者出入聽肩

輿熙甯五年太宗正司請踏引籠燭不得過兩對中輿後人臣無乘車之制從祀以馬常朝以輜舊制輿檐有禁至是王公以下通乘之其制正方飾黃黑二等凸蓋無梁以篾席爲障左右設牖前施簾昇以長竿二名曰竹轎子亦曰竹輿王公鹵簿中道清道六人次幃弩一騎次大晟府前部鼓吹令及職掌局長院官各一人搥鼓金鉦各一大鼓長鳴各一十八搥鼓金鉦各一次引樂官二人小鼓中鳴各一十次麾幢各一節一夾稍二誕馬八每匹控馬各二人革車一乘駕赤馬四駕士二十五人散扇十方繖二朱團扇四夾方繖曲蓋各二次

大角八次後部鼓吹丞一員錄事一人次鑣鼓一簫四笳四
大橫吹六節鼓一夾色二笛簫鶯栗笳各四次外仗青衣十
二車輻棒十二戟九十絳引幡六刀盾稍弓矢各八十儀刀
十八信幡八告止幡傳教幡各四儀鉦二儀鐙斧掛五色幡
六油戟十八儀稍十二細稍十二次左右衛尉寺押當職掌
一十一人騎部轄步兵部轄騎兵太僕寺部押人員各一人
教馬官各一人押當職掌四人騎一品鹵簿命婦同中道清道
四人轎弩一騎大展府前部鼓吹令職掌一人局長院官各
一人捫鼓金鉦各一大鼓長鳴各十六麾幢節各一稍二誕
馬六次革車一乘駕赤馬四駕士二十五人命婦厭翟車駕士二十三人
品三品散扇八行障五行於車前二品三品準此方纛二

朱闥肩四曲蓋二大角八命婦馬車六駕黃牛十八駕士五十九人行大角前二品三品準此
次後部鼓吹丞一員錄事一人引樂官二員鐃鼓一簫笳大
橫吹各四節鼓一笛簫磬栗筚各四外仗青衣二人車輻棒
十戟九十刀盾稍各八十弓矢六十儀刀三十信幡八告止
幡傳教幡儀鎗斧掛五色幡各四次衛尉寺排列押當職掌
一十一人部轄人員太僕寺部押人員教馬官各一人押當
職掌四人二品三品以次迭減凡命節度使有司給門旗二
龍虎各一旌一節一麾槍二豹尾二旗以紅縐九幅上設耀
籠鐵鑽髹杠緋繡旌用途金銅螭頭髹杠綢以紅縐畫白虎
頂設髹木盤周用途金飾節亦用髹杠以金塗銅葉上設髹
圓盤三層以紅綠裝釘爲旄並綢以紫綾複囊又加碧油絹

袋麾槍設髹木盤綢以紫綰複囊又加碧油絹袋豹尾製以赤黃布畫豹文並髹杠神宗詔新建節并移鎮並降勅太常寺排比旌節下左右金吾街仗司騏驎院給執擎人員鞍馬

高宗表韓世忠之旗曰忠勇表岳飛之旗曰精忠孝宗詔以其藩邸旌節迎置天章閣

金制一品轅用銀螭頭涼棚杆子月板以銀飾三品以上螭頭不得施銀涼棚杆子月板聽用銀五品以上轅獅頭六品以上轅雲頭庶人坐車平頭用黑油親王鞍塗金銀裏仍銀以開花障泥用紫羅飾以錦轡以塗金銀裝束用絲結一品至三品障泥許用金花若經賜或御毬場內不在禁限承安二年制護衛銅裝鞍轡不得借人庶人馬鞍許用黑漆以骨角鐵爲飾不得用玉轅具及金銀犀象飾鞍轡親王引接十人皂衫盤裏束帶乘馬捧攏官五十人首領紫羅襖素

幘頭執銀裹牙杖繖子紫羅團荅繡芙蓉襖閒金花交腳幘
頭餘人紫羅四襖繡芙蓉襖兩義黃絹義襖並用金鍍銀束
帶幘頭同邀喝四人繖青表紫裏金鍍銀浮圖椅用銀裏圈
背水罐鋸鑼唾盂並用銀一品朱衣直省各十人

三公稱捧直府

捧

攏官各六十人並服紫衫帽銀偏帶內執藤棒骨朵牙杖各
三對簇馬六人繖子二人交椅水罐鋸鑼孟子唾盂等事以
次執之服阜衫帽塗金銅束帶

後凡執色人並同

邀喝四人繖用青

羅紫裏銀浮圖交椅用銀裏圈背紫絲條結二品三品從人
服紫衫銀帶銀裹圈背交椅銀水罐鋸鑼孟子盃牙杖內銀裹
骨朵大劔各兩對及邀喝通使無大劔四品五品從人並服
紫衫角束帶直背銀交椅鋸鑼孟子唾盂牙杖繖用青表碧

裏青浮圖防禦刺史知軍用銀裏骨朵大劔一對

元制職官車輿除不得用龍鳳文外一品至三品許用閒金

裝飾銀螭頭繡帶青幔四品五品用素獅頭繡帶青幔六品

至九品用素雲頭素帶青幔鞍轡一品飾金玉三品以

金四品五品以銀六品以下並以鍮石銅鐵

大繖赤質正方四角銅螭首塗

以黃金紫羅表絳絹裏諸繖蓋宋以前皆平頂金加金浮屠

紫方繖制如大繖而表以紫羅紅方繖制如大繖而表以絳

羅華蓋制如華蓋絳而圓頂隆起赤質繡雜花雲龍上施金浮屠

曲蓋制如華蓋絳而圓頂隆起赤質繡雜花雲龍上施金浮屠

曲蓋絳而色黃葆蓋金塗龍頭竿懸以纓絡銷金圓裙六

角葆蓋

明親王象輅高視金輅減六寸廣減尺轅長視大輅減尺輅

座高三尺有奇餘飾同金輅輅亭高五尺二寸有奇紅髹四

柱檻座上四周紅髹條環板前左右有門高四尺五寸有奇
廣二尺二寸有奇門旁榻各二及明欵後五山屏風皆紅髹
用抹金銅鈹花葉片裝釘亭底紅髹施紅花毯紅錦褥席其
椅靠坐褥帷幔紅簾之制俱同金輅輅頂并圓盤高二尺四
寸有奇用抹金銅寶珠頂餘同金輅天輪三層皆紅髹上雕
木貼金邊耀葉板六十三片內飾青地雕木五彩雲文三層
間繪五彩雲襯板六十三片四周黃銅裝釘上施紅綺瀝水
三層每層八十一摺繡瑞草文前垂青綺絡帶二俱繡升龍
五彩雲文圓盤四角連輅座板用攀頂紅線圓條四并紅髹
木魚亭前後闌干同金輅左右闌干各一扉內嵌條環板皆
紅髹計十四柱柱首雕木紅蓮花線金青綠裝蓮花抱柱前

闌干內布花毯紅旗二與金輅所樹同竿上垂紅纓五其踏
梯行馬同金輅帳房用綠色螭頭餘與東宮同郡王無輅有帳房同親王
職官一品至三品用間金飾銀螭繡帶青纓四品五品素獅
頭繡帶青纓六品至九品用素雲頭青帶青纓轎同車制庶
民車轎用黑油齊頭平頂阜纓禁用雲頭景泰制在京三品
以上得乘轎弘治七年令應乘轎者四人舁之其五府管事
內外鎮守守備及公侯伯都督等不問老少皆不得乘轎祖太
不欲動臣廢騎射雖上公出必乘馬永樂元年駙馬都尉胡觀越制乘晉王濟煊朱轎樓轎爲給事中周景所劾詔書切
貴大臣得乘安車後久廢正德四年禮部侍郎劉機請定轎
扇繖蓋品級等差帝卻其請而命轎扇俱如例嘉靖十五年
從禮部尙書霍韜言定四品下不許乘轎亦毋得用肩輿隆

慶二年給事中徐尙劾應城伯孫文棟等乘轎出入坐奪俸
乃諭兩京武職非奉特恩不許乘轎文官四品以下用帷轎
者禁如例萬歷三年定勳戚及武臣不許用帷轎肩輿并交
牀上馬宣德中少保黃淮陪游西苑嘗乘肩輿入禁中嘉靖
中嚴嵩年八旬出入得乘肩輿與武臣則郭勛朱希忠
特命乘肩輿扈南巡釋後遂賜常乘皆非制也織蓋之制庶民不得用羅絹涼織但
用油紙雨織尙書侍郎左右都御史通政使大常卿應天府
尹國子祭酒翰林學士許張織蓋一品二品織用銀浮屠頂
三品四品織用紅浮屠頂俱用黑色茶褐羅表紅絹裏三檐
雨織用紅油絹五品紅浮屠頂青羅表紅絹裏兩檐雨織同
四品六品至九品用紅浮屠頂青絹表紅絹裏兩檐雨織俱
用油紙官員織蓋不許用金繡朱丹裝飾公侯駙馬伯與一

品二品同鞍轡之制庶民不得描金惟銅鐵裝飾公侯一品
二品用銀鍍鐵事件靴用描銀三品至五品用銀鍍鐵事件
靴用油畫六品至九品用擺錫鐵事件靴用油畫凡官民人
等馬領下纓并鞍轡俱用黑色不許紅纓及描金嵌金天青
朱紅裝飾軍民用鐵事件黑綠油靴親王儀仗宮門外設方
色旗二青色白澤旗二執人服隨旗色並戎服殿下絳引旛
二戟筆二戈筆二鎗筆二皆校尉執殿前班劔二吾杖二立
瓜二臥瓜二儀刀二鐙杖二骨朵二斧二響節八皆校尉執
殿門交椅一腳踏一水罐一水盆一團扇四盞二皆校尉執
殿上拂子二香鑪一香合一唾壺一唾盂一交椅盆罐初用
銀後悉改用金

建文四年增紅油絹銷金雨織一紅紗鐙籠
紅油紙鐙籠各四款鐙二大小銅角四承樂

三年命紅銷金繖以用寶郡王儀仗令旗二清道旗二幢弩

珠龍文凡世子儀仗同郡王儀仗令旗二清道旗二幢弩

一刀楯十六弓箭丁八副絳引傳教告止信旛各二吾仗儀

刀立瓜臥瓜骨朵片各二戟十六稍十六麾一幢一節一響

節一紅銷金圓繖一紅圓繖一紅曲柄繖二紅方繖二青圓

扇四紅圓扇四誕馬四鞍籠一馬杌一拂子二交椅一腳踏

一水盆一水罐一香鑪一紅紗鐙籠二觔鐙二帳房一座舊例

郡王儀仗有交椅馬杌皆木質銀裏水盆水罐及香鑪香

合皆銀質抹金量折銀三百二十兩嘉靖四十四年停止

論曰古者車飾以纓旗表以旒大抵視其爵之命數爲

等差過則有禁違則有罰自漢景帝寵幸母弟梁孝王

始以天子旌旗假借用之故其在國出稱警入稱蹕一

切僭擬乘輿之尊以長其驕侈之漸而幾陷其身於大

惡此鄭莊公待共叔段之意非所謂仁人之親愛者矣
考之周禮雖曰金輅以錫同姓象輅以錫異姓然不過
乘之國中以示異於其臣民焉耳至其入覲於朝也則
不乘輅而乘墨車蓋去君遠則威得以自伸去君近則
義嫌於相偏若乃纓十二就旗十二旒雖國中亦不得
行焉惜乎漢世諸臣無有以此告景帝者魏晉以來羣
儒貢議攷訂古制準降殺以兩之文辨九六五七之義
時勢迭變因革不同至宇文氏復六官建五等車旗之
數自九而迭殺其一將以存周之舊典也及隋唐改更
王公卿士輅用三等餘惟輅車通幟而已宋制臣下無
鹵簿之名遇升儲則草具儀注南渡以後粗加討論然

宮僚導從繖扇僅具未能槩復唐之舊也遼雖有國輿
漢輿之號而諸吏人所施用史文缺略莫得其詳金元
二代尊君抑臣繖蓋鞍轡各立限制明因之著於令然
自是而巾車所掌之墨篆司常所建之旃旗不復有追
古制而從之者矣竊嘗論之唐諸王有象輅而無金輅
宋並象輅而黜之明祖取則於唐自郡王以下不復製
輅又禁雕飾不得用龍鳳文所以嚴貴賤之防而汰侈
靡之俗者差爲得中例諸前代其少優乎